

	SLUŽBENE NOVINE GRADA GORAŽDA	
Godina XII	13. maj 2019. godine GORAŽDE	Broj 4

53

Na osnovu člana 13. stav 2. alineja 3. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br: 49/06), člana 35. Zakona o prostornom uređenju i građenju Bosansko-podrinjskog kantona Goražde („Službene novine Bosansko-podrinjskog kantona Goražde“, br:7/13, 16/13, 6/15, i 7/17) i člana 17. Statuta Grada Goražda („Službene novine Grada Goražda“, broj: 5/18) Gradsko vijeće Grada Goražda, na **devetnaestoj** redovnoj sjednici, održanoj dana **09.05.2019.** godine, **d o n o s i**:

O D L U K U O USVAJANJU I PROVOĐENJU IZMJENA REGULACIONOG PLANA “PODA” U GORAŽDU

I - OPŠTE ODREDBE

Član 1.

Ovom Odlukom usvajaju se i donose Izmjene Regulacionog plana „Poda“ Goražde (u daljem tekstu Plan), za vremenski period od pet godina, od dana objave u „Službenim novinama Grada Goražda“.

Član 2.

Odlukom se utvrđuju uslovi korištenja, izgradnje, uređenja i zaštite prostora i objekata unutar obuhvata Plana, a naročito granice prostorne cjeline, urbanističko - tehnički uslovi za izgradnju, redizajn objekata, uslovi za uređenje fasada, odnosi prema postojećim objektima i namjenama, kao i uslovi za uređenje građevinskog zemljišta, uređenje zelenih i slobodnih površina, te tretman infrastrukturnih objekata (saobraćaj, hidrotehnika, vodovod i kanalizacija, elektroenergetika i grijanje).

Član 3.

Plan je izrađen u analognom i digitalnom obliku i sadrži tekstualni i grafički dio i to:

I OPĆA DOKUMENTACIJA

II TEKSTUALNI DIO

- A) Uvodno obrazloženje
- B) Urbanistička osnova
- C) Projekcija izgradnje i uređenja prostorne cjeline
- F) Odluka o provođenju Regulacionog plana

III GRAFIČKI DIO:

01.	Geodetska podloga	R = 1:1000
02.	Izvod iz Izmjene regulacionog plana - Plan prostorne org.	R = 1:1000
03.	Postojeće stanje fizičkih struktura – namjena i spratnost objekata	R = 1:1000
04.	Postojeće stanje fizičkih struktura - Bonitet objekata -	R = 1:1000
05.	Postojeće stanje fizičkih struktura - Plan uklanjanja	R = 1:1000
06.	Inženjersko-geološka karta	R = 1:1000
07.	Ocjena prirodnih i stvorenih uslova	R = 1:1000
08.	Plan namjene površina	R = 1:1000
09.	Plan prostorne organizacije	R = 1:1000
10.	Plan saobraćaja i nivelacije	R = 1:1000
11.	Plan infrastrukture - hidrotehnika	R = 1:1000
12.	Plan infrastrukture - elektroenergetika, telekomunikacije	R = 1:1000
13.	Plan infrastrukture - sintezna karta	R = 1:1000
14.	Plan građevinskih i regulacionih linija	R = 1:1000
15.	Plan parcelacije	R = 1:1000
16.	Plan uređenja sistema zelenih površina	R = 1:1000

Ova Odluka je sastavni dio plana.

Član 4.

Plan je javni dokument i može se dati na javni uvid pravnim i fizičkim licima (građanima), kod organa uprave nadležnog za poslove prostornog uređenja.

Za Plan je odgovorna Služba za prostorno uređenje, stambeno - komunalne poslove i raseljena lica Grada Goražda.

II - PROVOĐENJE IZMJENE PLANA

Član 5.

PROSTORNA CJELINA, GRANICE I NAMJENA POVRŠINA

1. Prostorni obuhvat Izmjena Regulacionog plana „Poda“ je definisan Odlukom o pristupanju izradi izmjena Regulacionog plana „Poda“ Goražde („Službene novine Općine Goražde“, br: 5/16). Granica obuhvata izmjena počinje na tromeđi parcela 4069,1871 i 1870 u Ul. 22. maj, ide uzvodno potokom cca 400 m, dolazi do tromeđe parcela 1298/1, 1298/5 i 1293/1, nastavlja sjeverozapadnom granicom k.č. 1298/5, 1294/16, južnom i zapadnom granicom k.č. 1293/3, zapadnom i sjevernom granicom k.č.

1293/4, presijeca k.č. 1294/44, dolazi do tromede parcela 1294/40, 1294/43 i 1294/44, lomi pod uglom 90 stepeni, nastavlja u pravcu sjevera i zapada granicom k.č. 1294/40, lomi pod uglom 90 stepeni, nastavlja sjevernom granicom k.č. 1294/40, 1294/12, 1294/41, 1284/2, dolazi do tromede k.č. 1276, 1284/1 i 1285, nastavlja u pravcu sjevera, putem označenim sa k.č. 1285, dolazi do potoka tromeda k.č. 1282, 1279/1 i 1285, lomi pod uglom 90 stepeni, nastavlja nizvodno potokom u dužini cca 175 m, dolazi do tromede k.č. 131/2, 1271/1 i 132, lomi pod uglom 90 stepeni, nastavlja sjevernom granicom k.č. 131/2, 131/9, 131/8, 131/7, 131/6, lomi pod uglom 90 stepeni, nastavlja u pravcu sjevera cca 10 m, produžava u pravcu sjeveroistoka, putem označenim k.č. 1199 cca 40 m, lomi u pravcu istoka u dužini od 170 m, dolazi do tromede parcela 1198, 1194/1 i 1197, nastavlja u pravcu istoka sjevernom granicom k.č. 1194/1, presijeca potok, dolazi do tromede k.č. 1194/1, 1192/4 i 1195/18, lomi pod uglom 90 stepeni, nastavlja zapadnom granicom k.č. 1192/4 i 1187, nastavlja sjevernom granicom k.č. 1187, 1189/1, 1198/2, lomi pod uglom 90 stepeni i ide u pravcu sjevera zapadnom granicom k.č. 1195/10, lomi pod uglom 270 stepeni, nastavlja sjevernom granicom k.č. 1195/10, 1195/9, 1195/11, zapadnom i sjevernom granicom k.č. 1195/2, sjevernom granicom k.č. 1138 (put), lomi pod uglom 90 stepeni i ide zapadnom granicom k.č. 1143/5, nastavlja u pravcu istoka, sjevernom granicom k.č. 1143/5, 1143/9, 1143/10 i 1137, dolazi do tromede k.č. 1137, 1134 i 101, lomi pod uglom 90 stepeni, ide zapadnom i sjevernom granicom k.č. 101, sjevernom i istočnom granicom k.č. 1133, sjevernom granicom k.č. 1122, 1124, istočnom granicom k.č. 1124, dolazi do magistralnog puta Goražde- Ustiprača, dvomeđa k.č. 1124 i 4069, lomi pod uglom 270 stepeni, nastavlja u pravcu zapada magistralnim putem u dužini 1000 m, dolazi do početne tačke tromede parcela 4069, 1871 i 1870, gdje i završava.

Površina obuhvata RP-a iznosi cca 25 hektara.

2. Granice prostome cjeline koja je obuhvaćena Izmjenom Regulacionog plana „Poda“ (u daljem tekstu: Izmjena Plana) prikazane su u grafičkom dijelu Izmjene Plana (karta br. 1. i dr.). Namjena pojedinih površina i objekata u granicama obuhvata Izmjene Plana određena je u grafičkom dijelu Izmjena Plana (karte br. 4-16). Koordinate prelomnih tačaka granice obuhvata, regulacionih i građevinskih linija, nalaze se u prilogu „Koordinate“, koji je sastavni dio ove Odluke.

NAPOMENA: U toku rasprave predložen je amandman na izmjene RP „Poda“, koji je predlagač prihvatio i koji glasi:

„Izvršiti dokompletiranje parcele k.č. 1273/11, iz parcele k.č. 1273/13 u površini od 200 m², uz uslov da se na istoj ne mogu graditi novi objekti i da se omogući redovna upotreba zemljišta, uz poštovanje zaštitnog putnog pojasa, te da parcela koja pripada Gradu Goraždu bude jedna cjelina (da nema prekida).“

Član 6.

Način provođenja Izmjene Plana

Izmjena Plana se provodi u svim fazama izgradnje, uređenja i funkcionisanja planiranih i postojećih objekata, putem sljedećih aktivnosti:

- Izdavanja urbanističke saglasnosti, odobrenja za građenje ili za izvođenje drugih radova i odobrenja za upotrebu građevina i radova - isključivo za građevine i radove koji su predviđeni Izmjenom Plana, i odbijanja takvih zahtjeva za građevine i radove koji nisu predviđeni, odnosno koji nisu u skladu sa Izmjenom Plana;
- Stručne kontrole izrade detaljnih urbanističko-tehničkih uvjeta u skladu s Izmjenom Plana i izrade izvedbenih projekata u skladu sa urbanističkom saglasnosti;
- Redovne i efikasne inspeksijske kontrole svih aktivnosti u prostoru koji je obuhvaćen izmjenom Plana, a naročito aktivnosti izvođenja građevinskih ili drugih radova za koje je potrebno odobrenje i sprečavanje aktivnosti koje nisu predviđene izmjenom Plana ili nisu u skladu sa odobrenjem za građenje ili odobrenjem za izvođenje drugih radova.

III URBANISTIČKO-TEHNIČKI I DRUGI USLOVI

Član 7.

Građenje i uslovi korištenja zemljišta na području obuhvaćenom granicom iz člana 5. se vrši na osnovu Plana, njegovog tekstualnog i grafičkog dijela. Planom su razrađene osnovne smjernice za postojeće i novoplanirane objekte, saobraćajne koridore i infrastrukturne objekte, slobodne i zelene površine, kroz izradu urbanističko-tehničkih uslova.

Rješenje o lokacijskim uslovima za izgradnju građevina može se izdati na bazi odgovarajuće tehničke dokumentacije, poštujući smjernice i propise Plana, u skladu sa dozvoljenim urbanističko-tehničkim uslovima. Tehnička dokumentacija treba obuhvatati i vanjsko uređenje, sa prikazom kontakta sa susjednim parcelama. Projektna dokumentacija mora biti izrađena u skladu sa važećim odredbama i propisima Federacije Bosne i Hercegovine.

Član 8.

Urbanističko-tehnički uslovi utvrđuju: namjenu objekata i njihov karakter, regulacionu i građevinsku liniju, veličinu i oblik parcele, koeficijent izgrađenosti, procenat izgrađenosti, tehničke pokazatelje građevine, nivelacijske kote prizemlja u odnosu na javni put, visinu i odstojanje građevine od susjednih parcela, odnos prema postojećim objektima, uslove arhitektonskog oblikovanja građevine i uslove uređenja zelenih, saobraćajnih i slobodnih površina.

Član 9.

a. Namjena i karakter objekata

Namjena i karakter objekata (stambeni, stambeno-poslovni, poslovni, pomoćni, ili drugi) definisani su grafičkim dijelom Plana, na karti broj 9. (Plan prostorne organizacije), te se kao takvi ne smiju mijenjati, osim u slučaju pretvaranja stambenog u poslovni prostor (što je dozvoljeno samo u prizemljima stambenih objekata).

b. Regulaciona linija

Regulaciona linija je planska linija definisana grafički i numerički grafičkim prilogom broj 14. (Plan građevinskih i regulacionih linija). Regulaciona linija je linija razgraničenja parcela za površine i objekte od opšteg interesa, odnosno javnog gradskog zemljišta, od parcela koje imaju drugu namjenu, odnosno od ostalog građevinskog zemljišta. Regulaciona linija se utvrđuje u odnosu na osovinsku liniju (osovinu javnog puta) ili na graničnu liniju (trasa pruge i sl.) i obilježava se za sve postojeće i planirane saobraćajnice. Regulaciona linija i osovina saobraćajnice javnog puta su osnovni elementi za utvrđivanje saobraćajne mreže. Rastojanje između regulacionih linija utvrđuje se u zavisnosti od funkcije i ranga saobraćajnice, odnosno infrastrukture kao horizontalna, nadzemna i podzemna regulacija, a najmanja dozvoljena širina pojasa regulacije po vrstama ulica je: stambene ulice 8,0 m; sabirne ulice 10,0 m; pješačke staze 1,5 m; kolski prolazi 5,0 m; privatni prolazi 2,5 m.

Granica građevinske parcele ili građevinske površine objekta ne može prelaziti regulacionu liniju.

c. Građevinska linija

Građevinska linija je planska linija iznad ili ispod površine zemlje, definisana grafički i numerički grafičkim prilogom broj 14. (Plan građevinskih i regulacionih linija) i označava granicu do koje se određena građevina

može graditi, ili na kojoj se gradi, u skladu sa dozvoljenim koeficijentom izgrađenosti i procentom zauzetosti parcele. Pozicija i odstojanje građevinske linije od regulacione linije za planirane objekte definisana je Planom, dok je za moguću dogradnju postojećih objekata definisana na način da pozicija i odstojanje građevinske linije od regulacione linije iznosi 3,0 m, ne uzimajući u obzir postojeće gabarite objekta. Također, pozicija i odstojanje građevinske linije od granica parcele iznosi 3,00 m, s tim da se dozvoljava i manje, u slučaju da je drugačije definisano Planom, te uz potpisanu pismenu saglasnost vlasnika susjedne parcele.

Ukoliko je na nekom prostoru većina izgrađenih objekata postavljena na određenu regulaciju, a zadržavaju se Planom, regulaciju novih i zamjenskih građevina prilagoditi postojećim, u smislu poštovanja postojeće građevinske linije.

Građevinska linija podzemne etaže može preći građevinsku liniju građevine, ako ova izgradnja ne ugrožava osnovnu funkciju komunalne infrastrukture i ne zahtjeva izmiještanje njihovih vodova, te ne ugrožava građevine na susjednim parcelama.

Preko utvrđene građevinske linije mogu preći konzolni istaci objekta (erkeri, balkoni ili lođe) ukoliko ne prelaze preko linije trotoara ili granice parcele. Unutar površine obuhvaćene građevinskim linijama, Planom je dat prijedlog arhitektonskih masa, što znači da je za konačno pozicioniranje novoplaniranih građevina i određivanje definitivnih horizontalnih gabarita građevine, daljom izradom projektne dokumentacije (u čiji sastav ulaze i detaljni urbanističko - tehnički uslovi za izgradnju građevina), omogućeno drugačije i po mogućnosti kvalitetnije pozicioniranje i određivanje gabarita građevine.

d. Građevinska parcela

Građevinska parcela je zemljište na kojem se nalazi građevina i uređene površine koje služe toj građevini, odnosno zemljište na kojem je predviđeno građenje.

Građevinska parcela je zemljište na kojem se nalazi građevina i uređene površine koje služe toj građevini, odnosno zemljište na kojem je predviđeno građenje. Planom je utvrđen prijedlog parcelacije (veličina i oblik) koji definiše način formiranja građevinskih parcela. Prijedlog parcelacije može se mijenjati u zavisnosti od vlasničkih odnosa i zajedničkih interesa susjeda, pri čemu se ne smije ugroziti planirani saobraćajni koncept i utvrđena distanca građevinskih linija u odnosu na saobraćajnice.

U zavisnosti od potrebe potencijalnih investitora omogućeno je spajanje građevinskih parcela u urbanističke cjeline (spajanje više građevinskih parcela u jednu), kao i formiranje manjih građevinskih parcela iz jedne veće, na način kako je to predviđeno Planom. U slučaju formiranja manjih građevinskih parcela iz jedne veće, novoformirane parcele ne smiju imati površinu manju od 300 m².

Građevinska parcela se može realizovati fazno, pod uslovom da svaka faza mora zadovoljiti kriterijume izgradnje date Planom.

Svaka parcela mora imati mogućnost priključenja na javnu komunalnu mrežu, te mora ispunjavati uslove infrastrukturne opremljenosti. Planom je definisan pristup parcelama, na način da se rješava sa javne saobraćajnice, obrazovanjem pristupnog puta ili ustanovljavanjem trajnog prava služnosti prolaza, u minimalnoj širini od 3,0 m, a prema grafičkim priložima Plana.

e. Koeficijent i procenat izgrađenosti

Koeficijent i procenat izgrađenosti su definisani ovom Odlukom, te kroz grafički i tekstualni dio Plana. Koeficijent i procenat izgrađenosti regulišu osnovni odnos površine izgrađenih naspram neizgrađenih površina.

Stepen izgrađenosti parcela individualnog stanovanja ne smije biti veći od 50%, a koeficijent izgrađenosti unutar ovih parcela ne smije biti veći od 1.

Izmjenama gabarita postojećih objekata, ili dogradnjom novih građevinskih površina, ne smiju se ugroziti propisani koeficijenti i procenti izgrađenosti.

f. Visina i etaže objekata

Visina građevine mjeri se od konačno zaravnatog i uređenog terena uz fasadu objekta na njegovom najnižem dijelu, do gornjeg ruba stropne konstrukcije zadnje etaže, odnosno, do vrha nadzide potkrovlja čija visina ne može biti viša od 1,20 m. Ukupna visina građevine mjeri se od konačno zaravnatog i uređenog terena na njegovom najnižem dijelu uz fasadu građevine do najviše tačke krova (sljemena). Prosječna visina etaže stambenog prostora iznosi 280 cm.

Etaže objekta su: podrum, suteran (Su), prizemlje (P), spratovi („1“, „2“, ...), potkrovlje (Pt).

Podrumom se smatra najniža etaža zgrade, koja je najmanje jednom polovicom volumena i sa svim stranicama ukopana u odnosu na uređen teren (više od 50%). Jedna ili više podrumskih etaža se mogu realizovati kod izgradnje planiranih građevina, pod uslovom da se osiguravaju odgovarajuće tehničke mjere u cilju zaštite od podzemnih i površinskih voda, kao i stabilizacije terena.

Suteran je etaža djelimično ukopana u teren sa tri strane i slobodnim pročeljem, kao i etaža zgrade koja je ukopana u odnosu na uređen teren između jedne četvrtine do jedne polovine svog volumena (između 25% i 50%).

Spratnost postojećih i planiranih objekata, te odstojanje od građevinskih linija i susjednih parcela utvrđene su Planom i ne mogu se mijenjati.

Kod izgradnje novih objekata, završna etaža može biti izvedena u formi: potkrovlja, mansarde, ravnog ili kosog krova. Izbor forme završne etaže treba uskladiti sa ambijentom u neposrednom okruženju.

Spratnost objekta na kosom terenu odnosi se na dio vertikalnog gabarita objekta lociranog na nižoj strani uređenog terena. Spratnost objekta se računa od kote najnižeg ruba uređenog terena uz građevinu.

Na obrazložen zahtjev podnosioca zahtjeva za izdavanje urbanističke saglasnosti, detaljnim u rbanističko-tehničkim uvjetima može se odrediti veća spratnost individualnih stambenih objekata od planirane za jednu punu etažu, ili za potkrovnju ili povučenu etažu, ali samo u slučaju da se mogu ispoštovati propisane distance od susjednih objekata, te za dovoljiti potrebe za otvorenim površinama i parking prostorom.

g. Nivelacione kote objekata

Nivelacione kote poda prizemlja građevina u odnosu na saobraćajnicu utvrdit će se na osnovu nivelacionih kota saobraćajnica definisanih Planom, što je moguće minimalno korigovati kroz geodetski snimak terena, koji predstavlja obavezan dio tehničke dokumentacije pri izdavanju rješenja o lokacijskim uslovima. Određivanje kote prizemlja građevina:

- Kota prizemlja planiranih građevina može biti maksimum 1,2 m viša od nulte kote;
- U slučaju kada je prizemlje namijenjeno stanovanju, visina poda prizemlja može biti maksimum 1,2 m od okolnog terena, kada se denivelacija do 1,2 m savladava unutar građevine;
- kota prizemlja planiranih građevina ne može biti niža od nulte kote;
- kod izgrađenih građevina zadržavaju se postojeće kote ulaza.

Nivelacione kote saobraćajnica i drugih javnih površina određuju se proračunom padova i poprečnih i podužnih profila pojasa regulacije.

h. Odnos prema postojećim objektima

Tretman i intervencije na izgrađenim objektima unutar granica Plana se definišu kako slijedi:

- Postojeći objekti mogu se sanirati, redizajnirati, rekonstruisati, dograditi, nadograditi, te izvršiti zamjena građevinskog fonda, u obimu građevinskih linija i urbanističko-tehničkih uslova, u skladu sa postavkama Plana.
- Postojeći objekti se mogu proširiti u odnosu na postavljene građevinske linije i u skladu sa propisanim stepenom i koeficijentom izgrađenosti na parceli.
- Kod zamjene građevinskog fonda, novi objekat mora biti povučen na utvrđenu građevinsku liniju, koja je sastavni dio grafičkog dijela ovog Plana.
- U sklopu postojećih stambenih objekata, moguće je odobriti promjenu namjene u dijelu prizemlja, za potrebe poslovnih sadržaja u skladu s namjenom prostora.
- Dogradnja postojećeg objekta se može odobriti ukoliko dograđeni dio objekta ne prilazi susjednoj parceli više od polovine ukupne visine objekta, ili na bilo koji način ometa korištenje susjednog objekta.
- Na objektima koji su Planom predviđeni za rušenje zbog izgradnje infrastrukturnih koridora, ili drugih prostornih zahvata propisanih ovim Planom, ne mogu se vršiti intervencije koje povećavaju materijalnu vrijednost objekta, dok je moguće odobriti intervencije u cilju redovnog održavanja objekta.
- Stambeni prostor se može pretvoriti u poslovni prostor, u prizemlju individualnih i kolektivnih stambenih objekata. Ovi poslovni prostori se mogu namijeniti za sadržaje koji svojom funkcijom ne ugrožavaju prirodnu sredinu, kvalitet i uslove stanovanja, ili izazivaju opterećenja saobraćajnih i komunalnih uređaja više nego što je to predviđeno Planom.

i. Projektovanje i arhitektonsko oblikovanje objekata

Unutar granica Plana projektovanje i arhitektonsko oblikovanje novih objekata, odnosno intervencije na postojećim objektima, vrše se prema sljedećim smjernicama:

- Arhitektonsko oblikovanje i materijalizacija kod rekonstrukcije, dogradnje ili nadogradnje, te izgradnje novoplaniranih objekata, potrebno je prilagoditi ambijentalnom izrazu i arhitektonskim elementima koji neće ugroziti postojeće okruženje.
- Kod izgradnje zamjenskih ili novih objekata potrebno je slijediti savremeni arhitektonski pristup, korištenjem savremene interpretacije tradicionalnih oblikovnih elemenata, bez direktnog preuzimanja ili imitiranja tradicionalnih arhitektonskih izraza.
- Novi i zamjenski objekti moraju svojim likovnim izrazom i predviđenim proporcijama, arhitekturom i odnosom masa, činiti oblikovnu cjelinu sa susjednim objektima ili blokom u cjelini. Sa aspekta kolorističke obrade fasade, treba izbjegavati jarke i intenzivne boje, te koristiti ublažene bijele nijanse, te svijetle pastelne boje, u kombinaciji sa neutralnim nijansama.

- Prije izdavanja odobrenja za građenje i izrade glavnog projekta za izgradnju i određene vrste intervencija na postojećim objektima, obavezna je izrada idejnog projekta izrađenog na osnovu Plana i uslova datih od strane nadležnog organa Grada.
- Svi novoplanirani arhitektonski objekti moraju biti projektovani i izvedeni u skladu sa odredbama ovog Plana i u skladu sa važećim propisima.
- Odobrenje za građenje za novoplanirane objekte može se izdati na bazi odgovarajuće tehničke dokumentacije, koja obuhvata i vanjsko uređenje, sa prikazom kontakta sa susjednim parcelama. Projektna dokumentacija mora biti izrađena u skladu sa uslovima predviđenim za VIII MCS.
- Svaka parcela mora imati mogućnost priključenja na javnu komunalnu mrežu.
- Obavezno je projektovanje brojila za sve vrste instalacija i njihovo ugrađivanje za potrebe svakog potrošača.
- Pomoćni sadržaji za novoplanirane i zamjenske objekte, kao što su garaže, ostave i sl., potrebno je riješiti unutar građevinskih linija.
- Krovovi objekata mogu biti dvovodni, viševodni ili ravni. Kod objekata sa dvije ili više kosih krovnih ravni, strehu je potrebno orjentisati paralelno pružanju ulice. Kod objekata sa dvovodnim i viševodnim kosim krovom, a koji se nalaze na kosom terenu, najmanje jedna krovna ravan mora imati strehu paralelnu sa izohipsama.
- Nagib kosih krovova je potrebno prilagoditi nagibu na susjednim objektima. Za objekte u nizu sa zabatnim zidom je neophodno ujednačiti krovnu ravan. Cijela krovna ravan mora biti jednakog nagiba. Prosječni nagib krovnih ravni je 30°.
- Krovni pokrivač je potrebno uskladiti sa načinom pokrivanja koji preovladava u naselju.
- Preporučuje se primjena jednostavnih krovnih formi: ravnih krovova, krovova sa blagim nagibom i četvorovodnih krovova.
- U slučaju primjene kosih krovova, tavanski prostori se mogu koristiti za sadržaje koji su u funkciji primarne namjene objekta, za proširenje postojećih ili uspostavu novih stambenih jedinica, ali bez realizacije krovnih badža. Osvjetljenje ovakvih prostora se omogućava korištenjem prozora u ravni krovne plohe.
- Stambeni prostor se može oblikovati kao poslovni prostor, u prizemlju individualnih i kolektivnih stambenih objekata. Ovi poslovni prostori se mogu namijeniti za sadržaje koji svojom funkcijom ne ugrožavaju prirodnu sredinu, kvalitet i uslove stanovanja, ili izazivaju opterećenja saobraćajnih i komunalnih uređaja više nego što je to predviđeno Planom.

- Podrumi se mogu realizirati kod izgradnje svih građevina u skladu sa geološkim, geomehaničkim, hidrogeološkim i inženjersko-geološkim osobinama tla. Prilikom izgradnje podrumskih etaža neophodno je obezbijediti odgovarajuće tehničke mjere u cilju održanja stabilnosti terena, odnosno zaštite od podzemnih i površinskih voda.
- Pomoćni objekti moraju biti izvedeni u čvrstom materijalu, a u skladu sa materijalizacijom osnovnog objekta na parceli. Spratnost pomoćnih objekata ne može prelaziti etažu prizemlja (P).
- U okviru Plana ograničiti djelatnosti i namjene koje povećavaju opasnost od eksplozije, požara, te stvaraju buku iznad granice dozvoljene za život u centru.

IV- USLOVI UREĐENJA JAVNIH POVRŠINA I OBJEKATA

Član 10.

Javne površine

Pod javnim urbanim prostorom (javnim površinama), podrazumjeva se opšte dobro, namijenjeno opštem korištenju radi obavljanja različitih aktivnosti vezanih za taj prostor, za sadržaje u njemu i njegovoj neposrednoj okolini, u smislu obezbjeđivanja određenog nivoa urbanog standarda za sve građane i korisnike.

Javne površine (zelene površine, ulice, parkirališta, pločnici i sl.) su definisane odredbama Plana i mogu se mijenjati u skladu sa iskazanim potrebama, poštujući odredbe Plana i poštujući važeće odredbe i propise Federacije Bosne i Hercegovine.

Služba za prostorno uređenje, stambeno – komunalne poslove i raseljena lica Grada Goražda određuje broj, poziciju i veličinu dječijih igrališta u okviru slobodnih zelenih površina.

Također, Služba za prostorno uređenje, stambeno – komunalne poslove i raseljena lica Grada Goražda vrši razmještaj i izbor urbanog mobilijara i sličnih elemenata koji dopunjavaju urbani ambijent.

Postavljanje interne vanjske rasvjete, oglasnih ploča, klupa, korpi za otpatke, natpisa, reklama i sličnog mobilijara, nalaže i odobrava nadležni organ kroz izdavanje rješenja o lokacijskim uslovima, na bazi odgovarajuće tehničke dokumentacije, koja treba biti u skladu sa trenutno važećim odredbama i propisima Federacije Bosne i Hercegovine.

Član 11.

Saobraćajne površine i komunalna infrastruktura

Uslovi projektovanja saobraćajnica i komunalne infrastrukture unutar obuhvata Plana, dati su u tekstualnom i grafičkom dijelu Plana.

Poprečni profili saobraćajnica, definisani prema rangu ceste, prikazani su na grafičkom prilogu Plana, karta broj 10. (Saobraćaj i nivelacija).

Horizontalni gabariti saobraćajnica i saobraćajnih površina su, po pravilu, fiksni, dok nadležni organ na osnovu definisanja detaljnih urbanističko-tehničkih uslova može odrediti minimalna odstupanja od tih gabarita, ako to zahtijevaju opravdani tehnički razlozi obrazloženi idejnim projektom, ili drugim opravdanim razlozima (fazna izgradnja saobraćajnice, fazno rješavanje imovinsko-pravnih odnosa i sl.).

Površina parking mjesta mora biti minimalno 5,0 x 2,5 m, te mora biti povezana sa sistemom javnih pješačkih komunikacija. Unutar saobraćajnog ugla preglednosti, ne mogu se postavljati ograde, vršiti sadnja visokog zelenila ili graditi fizičke strukture, koje bi mogle ugroziti siguran i nesmetan tok saobraćaja. Parkiranje organizovati na pripadajućim parcelama, u sklopu novih i postojećih građevina, te na Planom utvrđenim parking prostorima i površinama. U zonama pješačkih kretanja ne dozvoljava se parkiranje, ali se omogućava kretanje interventnih vozila.

Prilikom bilo kakvih intervencija i izvođenja radova maksimalno poštovati sve elemente saobraćajnica i zaštitni putni pojas, kako se ne bi ugrozila bezbjednost u saobraćaju.

Član 12.

Pješačka kretanja

Pješačka kretanja rješavati koridorski uz kolovoz saobraćajnica i pješačkim stazama, kroz uređenje slobodnih površina.

Uređenje pješačkih površina podrazumijeva i jedinstven tretman urbanog mobilijara (korpe za otpatke, klupe, telefonske govornice, elemente vode i sl.).

Pješačke i druge javne površine se ne mogu izdvajati postavljanjem barijera ili prepreka, u cilju sprečavanja normalnog pješačkog toka.

Za površinsku obradu planiranih javnih pješačkih površina treba primjenjivati materijale koji su otporni na habanje, pogodni za kretanje u zimskim uslovima (klizanje), a podnose opterećenja neophodna za kretanje interventnih vozila. Uspostavljanje javnih pješačkih komunikacija izvan osnovne mreže saobraćajnica može se odobriti, s tim da se iste prilagode uslovima terena i osnovnim pješačkim tokovima.

V –USLOVI UREĐENJA I KORIŠTENJE ZEMLJIŠTA

Član 13.

Uređenje građevinskog zemljišta se mora izvesti u obimu i na način kako je to predviđeno Planom.

Izgradnja građevina se ne može započeti bez prethodnog minimalnog uređenja građevinskog zemljišta. Pod minimalnim uređenjem građevinskog zemljišta se podrazumijeva obezbjeđenje saobraćajnog pristupa parceli, priključenje na vodovodnu, kanalizacionu i elektroenergetsku mrežu, te eventualno izmiještanje vodova komunalne infrastrukture.

Izgradnja građevina se ne može započeti prije uklanjanja objekata predviđenih za rušenje. Izuzetno se ovi objekti mogu koristiti za potrebe gradilišta, ali se isti moraju ukloniti prije tehničkog prijema građevine.

Građevina mora imati mogućnost priključenja na javnu saobraćajnu i komunalnu mrežu, koju ostvaruje izradom odgovarajuće dokumentacije, na osnovu koje nadležni organi izdaju saglasnost za priključak, u skladu sa važećim odredbama i propisima Federacije Bosne i Hercegovine. Za potrebe parkiranja planiranih građevina, prema normativima, neophodno je obezbijediti jedno parking mjesto (1PM) po stanu, odnosno, odgovarajući broj parking mjesta prema vrsti djelatnosti, koja se obavlja u objektu. U načelu, 1PM/60 m².

Do realizacije planskih rješenja, zemljišta obuhvaćena Planom mogu se koristiti na zatečeni ili drugi način kojim se ne onemogućava ili bitno ne otežava realizacija planskih rješenja (građevinske parcele postojećih objekata, dvorišta, vrtovi, saobraćajne površine, manipulativne površine, igrališta, zelene površine i sl.).

Član 14.

Zelene površine

Koncept ozelenjavanja, osim estetsko–psihološke funkcije, treba da obezbijedi ugodan ambijent za život i odmor, zaštitu od buke, prašine, izduvnih gasova i sl.

Unutar građevinske parcele, kao segment vanjskog uređenja, investitor mora predvidjeti minimalno 30% zelenih površina, od ukupne površine parcele koja nije obuhvaćena građevinskim linijama.

Planom se utvrđuju sljedeće kategorije zelenila:

- Javne zelene površine
- Zelene površine privatnih parcela
- Zelene površine šuma – privatno vlasništvo
- Zelene površine (negrađevinsko zemljište) u privatnom vlasništvu
- Zelene površine ograničenog korištenja.

Površine utvrđene kao neka od ovih kategorija, ne mogu se koristiti za druge namjene, niti se mogu graditi građevine koje nisu u skladu sa funkcijom koju ta kategorija zelenila treba da ostvari. Obodom zelenih površina se ne može odobriti postavljanje stalnih ili privremenih objekata. Prilikom izgradnje zelenih površina postojeće kvalitetno drveće je potrebno zadržati. Na površinama svih kategorija zelenila može se odobriti uvođenje cvjetnih aplikacija, skulptura, fontana ili drugih elemenata za oblikovanje prostora.

U zonama individualne stambene izgradnje treba, u maksimalnom obimu, ozeleniti okućnice i vrtove. Na dijelovima parcele udaljenim od saobraćajnica podstiče se formiranje voćnjaka. Tehnički prijem arhitektonskih i drugih građevina podrazumijeva i prijem izvedenih radova na uređenju slobodnih i zelenih površina. Prilikom realizacije svih građevina, a prije iskopa temeljnih jama, obavezno je skidanje i deponovanje površinskog sloja zemljišta, a u dubini koja je ovisna o bonitetu poljoprivrednog zemljišta. Lokacije deponije plodnog zemljišta utvrđuje se u postupku izdavanja urbanističke saglasnosti.

Linijsko zelenilo se formira duž novoplaniranih i postojećih saobraćajnica, a prema prostornim mogućnostima. U slučaju formiranja linijskog zelenila potrebno je zasaditi stablašice markantnih morfoloških iskaza, koje posjeduju estetsko–dekorativnu i zaštitno–sanitarnu ulogu. Koristiti sadni materijal odabranih vrsta dendroflora visokog kvaliteta, uz obavezan certifikat.

Na parcelama na kojima se planiraju nove zelene površine, biološka komponenta treba da je zastupljena kroz visokoatraktivne vrste, sve tri vegetacione etaže. Na ovim parcelama omogućava se izgradnja različitih vrtno–arhitektonskih elemenata. Izbor vrsta treba da bude raznovrstan, u funkciji dekoracije i upoznavanja stanovnika sa biljnim bogatstvom. Posebnu pažnju obratiti na odabir biljnih vrsta, koje će moći obezbijediti zaštitu od buke, prašine i sl.

Član 15.

Saobraćaj u mirovanju

Saobraćajne površine i površine za parkiranje su utvrđene kroz tekstualni i grafički dio Plana.

Parkiranje na predmetnom području je uglavnom predviđeno u sklopu pripadajuće parcele. Interni saobraćaj u okviru građevinskih parcela realizuje investitor.

Za potrebe parkiranja planiranih objekata neophodno je obezbijediti najmanje jedno parking mjesto po stanu, odnosno jedno parking mjesto prema vrsti djelatnosti u objektu.

Unutar saobraćajnih koridora se ne mogu postavljati ograde, vršiti sadnja viskog zelenila ili graditi fizičke strukture koje će ugroziti bezbjednost odvijanja saobraćaja.

Član 16.

Izgradnja vjerskih, pomoćnih i privremenih objekata Vjerski objekti

Vjerski objekti unutar obuhvata Plana se grade u skladu sa ambijentom i od materijala namijenjenih toj vrsti objekata.

Vjerski objekti uživaju maksimalnu zaštitu.

Pomoćni objekti

Postojeći pomoćni objekti se mogu rekonstruisati, redizajnirati i sanirati u skladu sa grafičkim dijelom Plana i ukoliko je za iste pribavljeno odobrenje za građenje. Izgradnja garažnog prostora se može odobriti, s tim da se lociranje izvrši na način da je pomoćni objekat udaljen minimalno 5,0 m od vanjske linije javne saobraćajnice. Izgradnja novih pomoćnih objekata se može odobriti unutar građevinske površine definisane sa građevinskim linijama i u skladu sa propisanim stepenom i koeficijentom izgrađenosti na parceli. Gabariti novih pomoćnih objekata moraju biti udaljeni minimalno za 2 m od granice susjednih parcela. Izuzetno, ova udaljenost može biti manja prema susjednim parcelama individualnog stanovanja i uz saglasnost vlasnika susjedne parcele.

U pomoćne objekte spadaju ostave i nadstrešnice za ogrjev, alat, namirnice ili garažiranje vozila. Površina pomoćnog objekta ne smije prelaziti bruto građevinsku površinu od 35 m². Dozvoljena spratnost pomoćnog objekta je jedna etaža iznad kote terena (prizemlje), sa maksimalnom visinom vijenca objekta od 4,0 m. Zabranjeno je pretvaranje pomoćnih objekata u poslovne objekte.

Legalizacija postojećih pomoćnih građevina se može odobriti ako su isti u funkciji redovnog korištenja glavne građevine, te ukoliko za to postoje prethodno navedene prostorne mogućnosti. Kao takve postojeće pomoćne građevine se mogu rekonstruisati, sanirati i dograditi.

Privremeni objekti

Postavljanje privremenih objekata vrši se izdavanjem rješenja o lokacijskim uslovima, koje izdaje Služba za prostorno uređenje, stambeno – komunalne poslove i raseljena lica Grada Goražda, u skladu sa važećim odredbama i propisima Federacije Bosne i Hercegovine. Za navedene objekte može se odrediti prostor potreban za njihovo postavljanje i upotrebu, koji ne predstavlja građevinsku parcelu i nije predmet parcelacije.

Za pozicioniranje privremenih građevina na javnim površinama izrađuju se detaljni urbanističko - tehnički uslovi, kako za pojedinačne slučajeve, tako i za koncentrisanu grupu građevina na lokalitetima koje odredi Služba za prostorno uređenje, stambeno – komunalne poslove i raseljena lica Grada Goražda. Ovim dokumentom preciznije se definišu namjena građevine, gabariti, položaj, izgled, tip prenosnih građevina (kioska) i dr.

Zabranjeno je pozicioniranje privremenih tipskih prenosnih građevina (kioska) u dvorištima postojećih i planiranih porodičnih stambenih i stambeno-poslovnih zgrada.

Zbog svog privremenog karaktera, građevine iz prethodnog stava mogu biti postavljene isključivo na način i od materijala koji omogućavaju jednostavnu demontažu i uklanjanje istog.

Privremeni objekti moraju zadovoljavati estetske, sanitarne i protivpožarne uslove.

Član 17.

Zaštita standarda stanovanja i sprječavanje nepovoljnih uticaja na okoliš

U svrhu zaštite kvaliteta stanovanja, kod realizacije građevina treba preduzeti mjere zaštite od buke, vibracija i poslovnih aktivnosti unutar građevina.

Unutar obuhvata se ne mogu locirati objekti koji zahtijevaju deponovanje i primjenu biološko - hemijskih ili radioaktivnih materija, koji su izvori buke, zagađenja i proizvode vibracije, te koji mogu imati nepovoljan uticaj na kvalitet života stanovnika.

Član 18.

Normativi za osobe sa umanjenom sposobnošću kretanja

U toku razrade i provođenja Plana potrebno je primjenjivati principe urbanističko - tehničkih uslova, prostornih standarda i normativa za okupljanje i sprječavanje stvaranja arhitektonsko - urbanističkih barijera za kretanje osoba sa umanjenom sposobnošću kretanja, odnosno osoba koja koriste tehnička i ortopedska pomagala. Nivelete pješačkih saobraćajnica, prilazi i ulazi u sve objekte moraju biti isprojektovani i izvedeni sa nagibima koji omogućavaju nesmetano kretanje osoba sa umanjenom sposobnošću kretanja. Neophodno je obezbijediti odgovarajuće rampe, držače, posebno obilježena parking mjesta i sl. Osobe sa umanjnim tjelesnim sposobnostima ne smiju imati prepreke u kretanju javnim površinama. Prometna signalizacija (semafori) mora emitovati (pored svjetlosnih) zvučne signale.

Član 19.

Ograde

Ograde je moguće postaviti uz individualne stambene objekte, i to samo od materijala koji se uklapaju u ambijent. Ograde ne smiju prelaziti visinu od 1,2 m, i moraju biti transparentne u omjeru od 50% svoje površine.

U području raskrsnica, visina ograde se određuje prema propisima Federacije Bosne i Hercegovine, kojim je regulisana bezbjednost saobraćaja na putevima.

Član 20.

Objekti za reklamiranje sadržaja

Uređaji i objekti za reklamiranje sadržaja unutar obuhvata Plana, mogu se odobriti na osnovu odobrenja nadležne Službe Grada Goražda, a u skladu sa važećim odredbama i propisima Federacije Bosne i Hercegovine. Svi reklamni uređaji moraju biti propisno locirani i osvijetljeni unutar građevinske parcele, na način koji ne ometa sigurno odvijanje pješačkog i kolskog saobraćaja, te ne remete ambijent naselja. Prilikom postavljanja sadržaja za reklamiranje uz magistralni put i u zonama zaštitnog pojasa puta, zatražiti i mišljenje nadležnog organa.

Član 21.

Skloništa

Na sigurnost ljudi i materijalnih dobara mogu uticati zemljotresi, ratna djelovanja, prirodne i ljudskim djelovanjem izazvane nepogode i katastrofe.

Uslovi izgradnje građevina za sklanjanje stanovništva i materijalnih dobara, za potrebe odbrane i civilne zaštite, na području koje je obuhvaćeno granicama obuhvata Plana, moraju biti obezbjeđeni u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Sl.novine F BiH“, br: 39/03) i odredbama Uredbe o mjerilima, kriterijima i načinu izgradnje skloništa i tehničkih normativa za kontrolu ispravnosti skloništa („Sl.novine F BiH“, br: 21/05).

VI - PRELAZNE I ZAVRŠNE ODREDBE

Član 22.

Služba za prostorno uređenje, stambeno - komunalne poslovne i raseljena lica Grada Goražda zadužena je za tumačenje Plana, u skladu sa svojim ovlaštenjima.

Član 23.

Do privođenja površina planiranoj namjeni prema Regulacionom planu, privremeno korištenje istih odredit će nadležni organ posebnom odlukom.

Član 24.

Uslovi pod kojima je moguće inicirati i izvršiti Izmjene Plana, definisani su važećim odredbama i propisima Federacije Bosne i Hercegovine. Izmjene i revizija Plana vrše se po postupku koji je propisan za izradu i donošenje planova unutar Grada Goražda.

Član 25.

Izmjene Plana moguće je izvršiti pod sljedećim uslovima:

- Da se Planom višeg reda (prostorni plan, urbanistički plan) utvrdi drugačiji način korištenja površina obuhvaćenih Planom.
- Ako organ Grada Goražda ocijeni da za određene zone obuhvaćene Planom ne postoji odgovarajući interes investitora, može podnijeti prijedlog Gradskom vijeću za pokretanje postupka Izmjena i dopuna Plana, a u skladu sa Zakonom utvrđenim postupkom.
- Ako se utvrdi da razvoju ovog Plana nedostaju odgovarajuća sredstva za njegovu realizaciju, moguće je pristupiti korekcijama, u skladu sa alinejom 2. ovog člana.

Član 26.

Ova Odluka stupa na snagu osmog dana od dana objavljivanja u „Službenim novinama Grada Goražda“.

Broj : 01-02-2-1746
Goražde, 09.05.2019. godine

PREDSJEDAVAJUĆA VIJEĆA

Mirković Jelena

54

Na osnovu Budžeta Grada Goražda za 2019.godinu, (“Službene novine Grada Goražda“, broj: 2/19), i člana 17. i 88. stav 1. Statuta Grada Goražda (“Službene novine Grada Goražda“, broj 5/18), Gradsko vijeće Grada Goražda, na **devetnaestoj** redovnoj sjednici, održanoj dana **09.05.2019.** godine, **d o n o s i**

ODLUKU

o usvajanju Programa utroška sredstava planiranih u Budžetu Grada Goražda za 2019. godinu, na ekonomskom kodu 614 515- Podsticaj poljoprivrednoj proizvodnji

Član 1.

Ovom Odlukom usvaja se Program utroška finansijskih sredstava planiranih u Budžetu Grada Goražda za 2019. godinu, na ekonomskom kodu 614 515- Podsticaj poljoprivrednoj proizvodnji, u iznosu od 68.500,00 KM.

Član 2.

Dodjelu novčanih sredstava iz člana 1. ove Odluke odobrava Gradonačelnik Grada Goražda, na prijedlog Službe za finansije, trezor i privredu.

Član 3.

Program iz člana 1. ove Odluke je sastavni dio ove Odluke.

Član 4.

Za provedbu ovog Programa zadužuje se Gradonačelnik Grada Goražda i Služba za finansije, trezor i privredu.

Član 5.

Gradonačelnik Grada Goražda je obavezan u pisanoj formi kvartalno informisati Gradsko vijeće o realizaciji ovog Programa.

Član 6.

Ova Odluka stupa na snagu osmog dana od dana objavljivanja u „Službenim novinama Grada Goražda“.

PROGRAM

utroška finansijskih sredstava planiranih u Budžetu Grada Goražda za 2019. godinu, na Ekonomskom kodu 614 515- Podsticaj poljoprivrednoj proizvodnji

Sredstava planirana u Budžetu Grada Goražda za 2019. godinu, na ekonomskom kodu 614 515- Podsticaj poljoprivrednoj proizvodnji, u iznosu od 68.500,00 KM, dodjeljuju se prema sljedećem planu:

Redni broj	Korisnici	Namjena	Iznos sredstava
1.	Udruženja poljoprivrednika	Organizovanje kulturno-privrednih manifestacija i redovne aktivnosti udruženja poljoprivrednika	6.344,00 KM
2.	Poljoprivredni proizvođači	Sufinansiranje projekata iz oblasti poljoprivrede, uz učešće humanitarne organizacije „Muslim aid“ i poljoprivrednih proizvođača	20.000,00 KM
3.	Poljoprivredni proizvođači	Sufinansiranje projekata: Izgradnja vodonatopnog sistema Hubjeri, Kazagići, Ahmovići, Kodžaga polje – sekundarna mreža	42.156,00 KM
		Ukupno:	68.500,00 KM

Broj : 01-02-2-1743

Goražde, 09.05.2019. godine

PREDSJEDAVAJUĆA VIJEĆA

Mirković Jelena

55

Na osnovu člana 6. i 9. Zakona o naknadama za korištenje podataka i vršenje usluga u oblasti premjera i katastra nekretnina ("Službeni list SRBiH", br: 35/85 i 12/87 i "Službeni list RbiH", br. 4/93, 21/93 i 13/94), koji se u skladu sa članom IX.5.(1) Ustava Federacije Bosne i Hercegovine primjenjuje kao federalni Zakon, člana 35. Odluke o izvršavanju Budžeta Grada Goražda za 2019. godinu ("Sl. novine Grada Goražda" broj: 2/19), člana 17. i 88. Statuta Grada Goražda ("Službene novine Grada Goražda", broj: 5/18), Gradsko vijeće Grada Goražda, na **devetnaestoj** redovnoj sjednici, održanoj dana **09.05.2019.** godine d o n o s i:

O D L U K U

o usvajanju Programa utroška novčanih sredstava posebnih namjena za geodetske poslove, koja se u 2019. godini na području Grada Goražda prikupe po osnovu naplate naknada za korištenje podataka i vršenje usluga u oblasti premjera i katastra nekretnina i katastra komunalnih uređaja

Član 1.

Ovom Odlukom utvrđuje se i usvaja Program utroška novčanih sredstava posebnih namjena za geodetske poslove, koja se u 2019. godini na području Grada Goražda, putem Službe za geodetske, imovinsko-pravne poslove i katastar nekretnina, prikupe po osnovu naplate naknada za korištenje podataka i vršenje usluga u oblasti premjera i katastra nekretnina i katastra komunalnih uređaja, ili stave na raspolaganje Gradu Goraždu putem grantova drugih nivoa vlasti, ili prenesena sredstva iz drugih izvora sa namjenom za finansiranje katastarskih projekata.

Član 2.

Sredstva prikupljena na području Grada Goražda, po osnovu naplate naknada za korištenje podataka i vršenje usluga u oblasti premjera i katastra nekretnina, ili namjenski data na raspolaganje Gradu Goraždu putem grantova, ili iz drugih nivoa vlasti, ili iz drugih izvora za finansiranje katastarskih projekata, mogu se, u skladu sa Zakonom o naknadama za korištenje podataka i vršenje usluga u oblasti premjera i katastra nekretnina, koristiti samo za realizaciju razvojnih geodetskih projekata, za nabavku ili servisiranje geodetske, računarske i druge opreme u Gradskom katastru, za održavanje premjera i katastra nekretnina i katastra komunalnih uređaja, kao i za pokriće troškova usluga Gradskog katastra.

Član 3.

Cilj i svrha programiranog trošenja sredstava posebnih namjena za geodetske poslove je da se na području Grada Goražda stvore pretpostavke za pravilno sprovođenje propisa iz ove oblasti, te da se u Gradskom katastru stvore potrebni preduslovi za ispravno održavanje i funkcionisanje službenih

evidencija iz oblasti geodetskih i katastarskih poslova i stvore neophodni uslovi za blagovremeno pružanje geodetskih usluga i izdavanje katastarskih izvadaka.

Član 4.

Planirana sredstva za realizaciju ovog Programa, koja se prikupe naplatom katastarskih naknada od korištenja podataka i vršenja usluga iz ove oblasti posredstvom Službe za geodetske, imovinsko-pravne poslove i katastar nekretnina, raspoređuju se za finansiranje katastarskih projekata i drugih namjenskih troškova u Gradskom katastru, kako slijedi:

	Naziv projekta/troška	Ukupna vrijednost projekta/troška	Iznos potrebnih sredstava u 2019. god.	Izvori prikupljanja sredstava	Učešće Grada Goražda u 2019. god.	Ekonomski kod za utrošak sredstava
1.	Održavanje Digitalnog katastra komunalnih uređaja (konverzija u oracle BPKN-a)	46.000,00	46.000,00	Grad Goražde	23.000,00	613934
2.	Nabavka i servisiranje računara i lokalne mreže	16.000,00	16.000,00	Grad Goražde i FGU-Sa	8.000,00	821521-2
3.	Nabavka geodetskih mjernih instrumenata i prateće opreme	20.000,00	10.000,00	Grad Goražde i FGU-Sa	10.000,00	821521-2
4.	Nabavka novog pribora i druge geodetske opreme (štapovi, prizme, pantljika)	2.000,00	2.000,00	Grad Goražde	1.000,00	821521-2
5.	Servisiranje i kalibracija geodetske opreme	1.000,00	1.000,00	Grad Goražde	1.000,00	613722
6.	Servisiranje i održavanje računarske opreme	1.000,00	1.000,00	Grad Goražde	1.000,00	613722
7.	Nabavka tonera za printere i kancelarijskog materijala	2.000,00	2.000,00	Grad Goražde	2.000,00	613722
8.	Troškovi BiHPOS servisa za rad GPS opreme sa permanentnim stanicama	2.000,00	2.000,00	Grad Goražde	1.000,00	613722
9.	Sitan inventar	1.000,00	1.000,00	Grad Goražde	1.000,00	613416
10.	Pokriće ostalih troškova rada Službe	1.000,00	1.000,00	Grad Goražde	1.000,00	821521-2
	UKUPNO:				49.000,00	

Član 5.

Sredstva iz člana 2. ove Odluke, koja se u skladu sa Zakonom o naknadama za korištenje podataka i vršenje usluga u oblasti premjera i katastra nekretnina i ovom Odlukom ne utroše u propisane svrhe u tekućoj kalendarskoj godini, u skladu sa članom 9. Zakona o naknadama za korištenje podataka i vršenje usluga u oblasti premjera i katastra nekretnina, prenose se kao sredstva posebnih namjena za geodetske poslove za iste namjene u naredne fiskalne godine i ne mogu se koristiti za pokriće drugih budžetskih rashoda.

Gradonačelnik Grada Goražda može, u skladu sa Odlukom o izvršenju Budžeta Grada Goražda za 2019. godinu, realizaciju namjenskog utroška sredstava iz člana 4. ove Odluke prilagoditi dinamici priliva sredstava posebnih namjena za geodetske poslove.

Član 6.

Za realizaciju ove Odluke zadužuje se Gradonačelnik Grada Goražda i gradske službe nadležne za budžet i finansije, te geodetske i katastarske poslove.

Član 7.

Ova Odluka stupa na snagu osmog dana od dana objavljivanja u "Službenim novinama Grada Goražda".

Broj:01-02-2-1739
Goražde, 09.05.2019. godine

PREDSJEDAVALA VIJEĆA

Mirković Jelena

56

Na osnovu člana 363. stav 3, tačka 5. Zakona o stvarnim pravima Federacije Bosne i Hercegovine ("Službene novine Federacije BiH", broj: 66/13, 100/13), člana 4. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova ("Službene novine Federacije BiH", broj: 17/14), člana 17. i 88. Statuta Grada Goražda ("Službene novine Grada Goražda", broj: 5/18), Gradsko vijeće Grada Goražda, na svojoj **devetnaestoj** redovnoj sjednici, održanoj dana **09.05.2019.** godine, **d o n o s i**

ODLUKU

**o načinu i uslovima raspolaganja
nekretninom – zamjena zemljišta**

Član 1.

Ovom Odlukom odobrava se zamjena građevinskog zemljišta u Goraždu između Hodžić Fikrete i Grada Goražda, u cilju oblikovanja novih građevinskih parcela na području Grada, te privođenja trajnoj namjeni zemljišta, označenog u članu 2. ove Odluke.

Član 2.

- Hodžić Fikreta daje u zamjenu zemljište označeno kao dio k.č. 666/1 zv. "Šunjino polje", po kulturi oranica/njiva 3. klase, u površini od 402 m², upisano u PL broj: 265, KO Goražde II, na ime Hodžić Bega Fikreta r. Heto, sa 1/1 dijela, upisano u zemljišnoknjižni izvadak Općinskog suda Goražde, broj: 407, kao dio k.č. 666/1, zv. "Šunjino polje", po kulturi oranica/njiva 3. klase, u površini od 402 m², KO Goražde II, na ime Hodžić Bega Fikreta r. Heto, sa 1/1 dijela.
- Grad Goražde daje u zamjenu zemljište označeno kao dio k.č. 667/3 zv. "Polje luka", po kulturi ostalo neplodno zemljište, u površini od 268 m², upisano u PL broj: 166, KO Goražde II, na ime Grad Goražde, sa 1/1 dijela, upisano u zemljišnoknjižni izvadak Općinskog suda Goražde broj: 4239, kao dio k.č. 667/3, zv. "Polje luka", po kulturi ostalo neplodno zemljište, u površini od 268 m², KO Goražde II, na ime Grad Goražde sa 1/1 dijela, i zemljište označeno kao dio k.č. 663/1 zv. "Luka", po kulturi voćnjak 1. klase, u površini od 174 m², upisano u PL broj: 166, KO Goražde II, na ime Grad Goražde, sa 1/1 dijela, upisano u zemljišnoknjižni izvadak Općinskog suda Goražde, broj: 4239, kao dio k.č. 663/1, zv. "Luka", po kulturi voćnjak 1. klase, u površini od 174 m², KO Goražde II, na ime Grad Goražde, sa 1/1 dijela, a kako je to pokazano na skici lica mjesta od 20.03.2019. godine, koja je sastavni dio ove Odluke.

Član 3.

Prodajna cijena zemljišta, vlasništvo Hodžić Fikrete, označeno kao dio k.č. 666/1, KO Goražde II, u površini od 402 m², iznosi 110,00 KM/m², odnosno ukupno 44.220,00 KM (slovima: četrdeset četiri hiljade dvjesto dvadeset konvertibilnih maraka).

Prodajna cijena zemljišta, vlasništvo Grada Goražda, označeno kao k.č. 667/3, KO Goražde II, u površini od 268 m², iznosi 110,00 KM/m², odnosno ukupno 29.480,00 KM (slovima: dvadeset devet hiljada četiri stotine osamdeset konvertibilnih maraka).

Prodajna cijena zemljišta, vlasništvo Grada Goražda, označeno kao k.č. 663/1, KO Goražde II, u površini od 174 m², iznosi 110,00 KM/m², odnosno ukupno 19.140,00 KM (slovima: devetnaest hiljada stotinu četrdeset konvertibilnih maraka).

Član 4.

Hodžić Fikreta i Grad Goražde će zaključiti notarski obrađen ugovor o zamjeni nekretnina.

Prodaja nekretnina izvršit će se u roku od 15 dana, od dana uplate razlike cijene površine Zemljišta, u ukupnom iznosu od 4.400,00 KM (slovima: četiri hiljade četiri stotine konvertibilnih maraka), koje je Hodžić Fikreta dužna uplatiti na račun Grada Goražda, što će se odrediti notarski obrađenim ugovorom o zamjeni nekretnina.

Član 5.

Ovlašćuje se Gradonačelnik Grada Goražda da može sa Hodžić Fikretom iz Goražda, u ime Grada Goražda, zaključiti notarski obrađen ugovor o zamjeni nekretnina, označenih u članu 2. ove

Odluke, po prethodno pribavljenom mišljenju pravobranioca Grada Goražda.

Član 6.

Troškove izrade notarske obrade ugovora o zamjeni nekretnina, te sve ostale troškove, koji se odnose na postupak zamjene odnosno kupoprodaje, snose Hodžić Fikreta i Grad Goražde na jednake dijelove.

Član 7.

Ova odluka stupa na snagu osmog dana od dana objavljivanja u „Službenim novinama Grada Goražda“, a objavit će se i na oglasnoj tabli Grada Goražda.

Broj: 01-02-2-1740
Goražde, 09.05.2019. godine

PREDSJEDAVALA VIJEĆA

Mirković Jelena

57

Na osnovu člana 114. Zakona o prostornom uređenju i građenju Bosansko- podrinjskog kantona Goražde („Službene novine Bosansko- podrinjskog kantona Goražde“, broj: 7/13, 16/13, 6/15 i 7/17) i člana 17. i 88. stav 1. Statuta Grada Goražda („Službene novine Grada Goražda“, broj: 5/18), Gradsko vijeće Grada Goražda, na **devetnaestoj** redovnoj sjednici, održanoj dana **09.05.2019.** godine, **d o n o s i**

ODLUKU

o davanju saglasnosti za pribavljanje naknadnog odobrenja za izgrađeni poslovni objekat

Član 1.

Grad Goražde, kao suvlasnik na nekretnini označenoj kao k.č. 768/1 KO Goražde II, daje saglasnost Kovačević Marku da, u svoje ime i za svoj račun, pribavi naknadno odobrenje za izgrađeni poslovni objekat dimenzija 6,00 m x 6,30 m + terasa 2,80 m x 4,80 m, spratnosti suteran + prizemlje na navedenoj parceli, kod naldležne Službe za poslove građenja Grada Goražda.

Član 2.

Investitor Kovačević Marko je dužan platiti sve zakonske obaveze u postupku izdavanja naknadnog odobrenja za građenje.

Član 3.

Ovlašćuje se Gradonačelnik Grada Goražda da potpiše ispravu o davanju saglasnosti iz člana 1. ove Odluke, ovjerenu od strane notara.

Član 4.

Ova Odluka stupa na snagu osmog dana od dana objavljivanja u „Službenim novinama Grada Goražda“.

Broj: 01-02-2-1741
Goražde, 09.05.2019. godine

PREDSJEDAVAJUĆA VIJEĆA
Mirković Jelena

58

Na osnovu člana 17. i 88. Satuta Grada Goražda („Službene novine Grada Goražda“, broj: 5/18) i člana 33. Odluke o izvršenju Budžeta Grada Goražda za 2019. godinu („Službene novine Grada Goražda“, broj: 02/2019.), Gradsko vijeće Grada Goražda, na **devetnaestoj** redovnoj sjednici, održanoj dana **09.05.2019.** godine, **d o n o s i:**

O D L U K U

o usvajanju Programa raspodjele i utroška novčanih sredstava planiranih Budžetom Grada Goražda za 2019. godinu, na poziciji Beneficije za socijalnu zaštitu-ekonomski kod 614-231

Član 1.

Ovom Odlukom usvaja se Program raspodjele i utroška, korisnici, kriteriji i postupak dodjele novčanih sredstava na poziciji Beneficije za socijalnu zaštitu.

Član 2.

Budžetom Grada Goražda za 2019. godinu sredstva iz člana 1. ove Odluke utvrđena su u ukupnom iznosu od 70.000,00 KM na poziciji Beneficije za socijalnu zaštitu, ekonomski kod 614-231.

Član 3.

Korisnici sredstava

1. Lica koja se nađu u stanju socijalne potrebe i/ili potrebe za liječenjem i nabavkom lijekova.
2. Majke/porodilje novorođenog djeteta.
3. Porodice korisnika stalne novčane pomoći za troškove dženaze-sahrane.

Član 4.

Cilj i svrha programa

Cilj Programa je da se planirana budžetska sredstva za 2019. Godinu, u iznosu od 70.000,00 KM, planski i transparentno utroše, u skladu sa Odlukom o izvršenju Budžeta Grada Goražda za 2019. godinu i kriterijima koji su utvrđeni Odlukama Gradskog vijeća.

Planirana sredstva namjenski će se trošiti za:

- Jednokratne novčane pomoći licima koja se nađu u stanju socijalne potrebe, za nabavku osnovnih životnih namirnica i pomoći u liječenju i nabavci lijekova, participacija troškova dženaze-sahrane korisnika stalne socijalne novčane pomoći i pomoći majci/porodilji novorođenog djeteta.

Član 5.

Plan raspodjele i utroška novčanih sredstava

Sredstva iz člana 2. ove Odluke, u iznosu od 70.000,00 KM, na poziciji Beneficije za socijalnu zaštitu - ekonomski kod 614-231, raspoređuju se za sljedeće namjene:

I	27.000,00 KM -	jednokratne novčane pomoći majci/porodilji novorođenog djeteta,
II	33.000,00 KM-	jednokratne novčane pomoći licima koja se nalaze u stanju socijalne potrebe i/ili potrebe za liječenjem i nabavkom lijekova,
III	7.000,00 KM	troškovi dženaze-sahrane korisnika stalne novčane pomoći,
IV	3.000,00 KM-	neplanirani troškovi.

Član 6.

Korisnici, kriteriji i postupak dodjele sredstava na poziciji Beneficije za socijalnu zaštitu - ekonomski kod 614-231, prema Planu iz člana 6. ove Odluke:

I Jednokratne novčane pomoći majci/porodilji novorođenog djeteta- iznos planiranih sredstava 27.000,00 KM.

Pravo na jednokratnu novčanu pomoć imaju majke/porodilje novorođenog djeteta, u iznosu od 200,00 ili 100,00 KM, koje imaju prebivalište na teritoriji Grada Goražda, a postupak i kriteriji dodjele su utvrđeni Odlukom Općinskog vijeća Općine Goražde o dodjeli jednokratne novčane pomoći majci/porodilji novorođenog djeteta („Sl. novine Općine Goražde“, broj: 4/2016 i 6/2017).

Sredstva se dodjeljuju na osnovu podnesenog zahtjeva, sa potrebnom dokumentacijom, Službi za boračko-invalidsku i socijalnu zaštitu, koja provodi postupak i donosi rješenje.

II Jednokratne novčane pomoći licima koja se nađu u stanju socijalne potrebe i/ili potrebe za liječenjem i nabavkom lijekova – iznos planiranih sredstava 33.000,00 KM.

a) Korisnici sredstava

Jednokratne novčane pomoći licima i porodicama koja se nađu u stanju socijalne potrebe i potrebe liječenja i nabavke lijekova dodjeljuju se prema Odluci Općinskog vijeća Općine Goražde o utvrđivanju kriterija za dodjelu novčanih sredstava o kojima odlučuje Načelnik Općine („Sl. novine BPK Goražde“, broj: 17/04) i prema kriterijima iz ove Odluke.

b) Postupak dodjele novčanih sredstava

Sredstva se dodjeljuju na osnovu podnesenog zahtjeva od fizičkih lica, udruženja, mjesnih zajednica, Centra za socijalni rad i drugih ustanova socijalne i zdravstvene zaštite, ako podnose zahtjev za jednokratnu novčanu pomoć u ime svojih članova. Zahtjev mora biti obrazložen i dostavljena dokumentacija, kao prilog, iz koje se može vidjeti opravdanost

zahtjeva. Potrebna dokumentacija koja se prilaže uz zahtjev je: dokaz o broju članova porodice – kućna lista, dokaz da podnositelj zahtjeva i punoljetni članovi njegove porodice nisu u radnom odnosu, dokaz o primanjima punoljetnih članova porodice (Centar za socijalni rad, PIO i Porezna uprava), medicinska dokumentacija sa propisanom terapijom, eventualnim računima o troškovima liječenja i eventualne preporuke udruženja ili drugih institucija, kao i druga potrebna dokumentacija, na zahtjev Komisije.

- Maksimalni iznos novčanih sredstava za materijalnu pomoć je do 200,00 KM, a u izuzetnim slučajevima do 500,00 KM, po jednom zahtjevu.

Maksimalni iznos sredstava za liječenje i nabavku lijekova je do 300,00 KM, a u izuzetnim slučajevima do 1000,00 KM, a visinu novčanih sredstava cijeni Komisija, uzimajući u obzir socijalne i materijalne okolnosti, broj članova porodičnog domaćinstva i druge okolnosti.

Jednokratna novčana pomoć se dodjeljuje jednom u toku godine, a u izuzetnim slučajevima do tri puta, u zavisnosti od mišljenja Komisije i raspoloživih novčanih sredstava.

Dodjelu novčanih sredstava vrši Gradonačelnik Grada Goražda, na prijedlog Službe za boračko-invalidsku i socijalnu zaštitu, ili mišljenja Komisije koja razmatra podnesene zahtjeve.

III Troškovi dženaze-sahrane korisnika stalne novčane pomoći – iznos sredstava 7.000,00.

a) Korisnici sredstava

Pravo na dodjelu jednokratnih novčanih pomoći za troškove dženaze-sahrane ostvaruju lica koja snose troškove dženaze-sahrane umrlog korisnika stalne socijalne novčane pomoći, a visina, kriteriji i postupak dodjele novčanih sredstava su određeni Odlukom Općinskog vijeća Općine Goražde o utvrđivanju kriterija za dodjelu novčanih sredstava o kojima odlučuje Načelnik Općine („Sl. novine BPK Goražde“, broj: 17/04).

b) Postupak dodjele novčanih sredstava

Sredstva se dodjeljuju na osnovu podnesenog zahtjeva, sa potrebnom dokumentacijom, Službi za boračko-invalidsku i socijalnu zaštitu. Gradonačelnik odobrava sredstva nakon provedenog postupka i donesenog rješenja od strane Službe za boračko-invalidsku i socijalnu zaštitu.

IV Neplanirani troškovi -iznos sredstava 3.000,00 KM

a) Korisnici sredstava:

Korisnici ovih sredstava su lica i porodice gdje je potrebno hitno reagovati kako bi se prevazišli određeni problemi, kao što su hitno liječenje u slučaju iznenadne bolesti, smrtni slučajevi, obilazak porodica koja se nalaze u stanju socijalne potrebe, rješavanje stambenih pitanja, eventualni troškovi rada Komisije i druge izvanredne situacije.

Maksimalni iznos novčanih sredstava po jednom prijedlogu je do 500 KM.

b) Postupak dodjele novčanih sredstava

Novčana sredstva dodjeljuje Gradonačelnik, a inicijativu za dodjelu novčanih sredstava po ovom osnovu mogu dati udruženja, zdravstvene ustanove, Centar za socijalni rad, mjesne zajednice, Služba, i druga pravna i fizička lica, ukoliko su mišljenja da je određeno lice ili porodica u teškoj situaciji i da treba odmah intervenirati.

Pomoć ovim licima vršit će se dodjelom novčanih sredstava ili paketa sa osnovnim životnim namirnicama i ista će se uručivati prilikom kućne posjete ili isplaćivati putem blagajne.

Član 7.

Gradonačelnik imenuje Komisiju za razmatranje zahtjeva fizičkih i pravnih lica za dodjelu sredstava po ovoj Odluci. Komisija se sastoji od najmanje 3 člana i za svoj rad ima pravo na nadoknadu, koju odobrava Gradonačelnik, na prijedlog Službe i predsjednika Komisije.

Komisija uvidom u priloženu dokumentaciju, utvrđivanjem činjenica na licu mjesta, ili na neki drugi način, cijeni opravdanost svakog zahtjeva pojedinačno i o tome sastavlja zapisnik o bitnim činjenicama, i na osnovu kriterija iz navedenih odluka, uz primjenu zakonskih propisa koji regulišu socijalnu zaštitu, daje svoje mišljenje.

Član 8.

Za provođenje ove Odluke zadužuje se Gradonačelnik, Služba za boračko-invalidsku i socijalnu zaštitu i Služba za finansije, trezor i privredu, svako u okviru svoje nadležnosti.

Član 9.

Gradonačelnik, u skladu sa članom 15. Odluke o izvršenju Budžeta Grada Goražda za 2019. godinu, zbog neusklađenosti prihoda i rashoda sredstava u toku budžetske godine, može obustaviti izvršenje pojedinih rashoda i izmijeniti dinamiku doznake sredstava po pojedinim stavkama iz ove Odluke.

Član 10.

O utrošku sredstava dodjeljenih po osnovu ove Odluke, Služba za boračko-invalidsku i socijalnu zaštitu podnosi izvještaj Gradonačelniku i Gradskom Vijeću.

Član 11.

Ova Odluka stupa na snagu 8 (osmog) dana od dana objavljivanja u „Službenim novinama Grada Goražda“.

Broj: 01-02-2-1744
Goražde, 09.05.2019. godine

PREDSJEDAVAJUĆA VIJEĆA

Mirković Jelena

59

Na osnovu člana 17. i 88. Statuta Grada Goražda („Službene novine Grada Goražda“, broj: 5/18) i člana 33. Odluke o izvršavanju Budžeta Grada Goražda za 2019. godinu („Službene novine Grada Goražda“, broj: 02/2019), Gradsko vijeće Grada Goražda, na **devetnaestoj** redovnoj sjednici, održanoj dana **09.05.2019** godine, **d o n o s i**:

O D L U K U

o usvajanju Programa raspodjele i utroška novčanih sredstava planiranih Budžetom Grada Goražda za 2019. godinu, na poziciji Izdaci za vojne invalide, ranjene borce i porodice poginulih boraca (boračke populacije) – Ekonomski kod 614-232

Član 1.

Ovom Odlukom usvaja se Program raspodjele i utroška, korisnici, kriteriji i postupak dodjele novčanih sredstava na poziciji Izdaci za vojne invalide, ranjene borce i članove porodica poginulih boraca (boračke populacije).

Član 2.

Budžetom Grada Goražda za 2019. godinu, sredstva iz člana 1. ove Odluke utvrđena su u ukupnom iznosu od 85.000,00 KM, na poziciji Izdaci za vojne invalide, ranjene borce i članove porodica poginulih boraca (boračke populacije)- Ekonomski kod 614-232.

Član 3.

Korisnici sredstava

1. Organizacija porodica šehida BPK-a Goražde,
2. Savez RVI „Sinovi Drine“ BPK-a Goražde,
3. Udruženje demobilisanih boraca BPK-a Goražde,

4. Savez dobitnika najvećih ratnih priznanja BPK-a Goražde,
5. Udruženje „Svjetlost Drine“ Goražde,
6. Udruženje Veterana rata, Zelenih beretki i Patriotske lige BPK-a Goražde,
7. Druga udruženja-fondacije iz reda boračkih populacija,
8. Mjesne zajednice za aktivnosti obilježavanja značajnih datuma, mjesta i događaja iz odbrambeno-oslobodilačkog rata i
9. Lica koja se nađu u stanju socijalne potrebe i/ili potrebe za liječenjem i nabavkom lijekova.

Član 4.

Cilj i svrha programa

Cilj Programa je da se planirana budžetska sredstva za 2019. godinu, u iznosu od 85.000,00 KM, planski i transparentno utroše, u skladu sa Odlukom o izvršenju Budžeta Grada Goražda za 2019. godinu i kriterijima iz ove Odluke.

Planirana sredstva namjenski će se trošiti za:

- Pomoć u realizaciji programa, projekata i aktivnosti od značaja za udruženja boračkih populacija, poboljšanje položaja članova udruženja i poboljšanje ambijenta za život i rad boračkih populacija.
- Jačanje opće svijesti i potrebe poštivanja historijski važnih događaja i ličnosti i očuvanje i zaštita tradicionalnih historijskih događaja, kao i organizovanje kulturnih, sportskih i drugih aktivnosti.
- Jednokratne novčane pomoći licima i porodicama koja se nađu u stanju socijalne potrebe, za nabavku osnovnih životnih namirnica i pomoći u liječenju i nabavci lijekova, i po potrebi, obilazak pripadnika boračkih populacija.

Član 5.

Plan raspodjele i utroška novčanih sredstava

Ovaj plan je donesen na osnovu pokazatelja izvršenja i utroška planiranih novčanih sredstava u 2018. godini za ove namjene, saglasnosti koordinacije boračkih udruženja BPK-a i Komisije za boračko – invalidsku zaštitu i izbjegla i raseljena lica.

Sredstva iz člana 2. ove Odluke, u iznosu od 85.000,00 KM, na poziciji Izdaci za vojne invalide, ranjene borce i članove porodica poginulih boraca (boračke populacije) - ekonomski kod 614-232, raspoređuju se za sljedeće namjene:

I	35.400,00 KM-	sufinansiranje rada i aktivnosti udruženja boračkih populacija,
II	16.400,00 KM	- obilježavanje značajnih datuma, mjesta, događaja i ličnosti, kulturnih i sportskih aktivnosti, izgradnja i održavanje spomen obilježja, i podrška zahtjevima, programima i projektima udruženja, fondacija i mjesnih zajednica,
III	30.400,00 KM	- jednokratne novčane pomoći pripadnicima boračkih populacija zbog teške materijalne situacije i potrebe liječenja i/ili nabavke lijekova,
IV	2.800,00 KM-	neplanirani troškovi.

Član 6.

Korisnici, kriteriji i postupak dodjele sredstava na poziciji Izdaci za vojne invalide, ranjene borce i članove porodica poginulih boraca (boračke populacije) - ekonomski kod 614-232, prema planu iz člana 6. ove Odluke:

I Sufinansiranje rada i aktivnosti boračkih udruženja u 2019. godini

- iznos sredstava: 35.400,00 KM:**a) Korisnici sredstava:**

Pravo na dodjelu ovih sredstava ostvaruju organizacije - udruženja iz člana 265. Zakona o dopunskim pravima branilaca i članova njihovih porodica („Sl. novine BPK Goražde“, broj: 9/13 i 11/14), koja okupljaju većinski dio boračke populacije proistekle iz odbrambeno – oslobodilačkog rata 1992-1995. godine i ista su od posebnog interesa.

Sredstva iz stava 1. ovog člana raspoređuju se na sljedeći način:

- 7.680,00 KM Organizaciji porodica šehida i poginulih boraca BPK-a Goražde,
- 7.680,00 KM Savezu RVI „Sinovi Drine“ BPK-a Goražde,
- 7.680,00 KM Udruženju demobilisanih boraca BPK-a Goražde,
- 5.220,00 KM Savezu dobitnika najvećih ratnih priznanja „Zlatni ljiljan“,
- 4.080,00 KM Udruženju „Svjetlost Drine“ Goražde,
- 3.060,00 KM Udruženju Veterana rata, Zelenih beretki i Patriotske lige BPK-a Goražde.

b) Kriteriji za dodjelu novčanih sredstava:

Kriterij za dodjelu sredstava je dostavljanje izvještaja o radu sa finansijskim pokazateljima za 2018. godinu, godišnjeg plana rada i finansijskog plana za 2019. godinu, kao i dostavljanje redovnih izvještaja korisnika sredstava Službi za boračko-invalidsku i socijalnu zaštitu o namjenski utrošenim novčanim sredstvima, koja su dodjeljena u prethodnoj godini.

c) Postupak dodjele novčanih sredstava:

Sa korisnicima sredstava Gradonačelnik Goražda potpisat će ugovore o namjenskom prenosu sredstava, i isti su obavezni implementirati sredstva u skladu sa zakonskim i podzakonskim propisima i planom rada. Po potpisanom ugovoru, sredstva će se dodjeljivati na prijedlog Službe za boračko-invalidsku i socijalnu zaštitu, kao redovne tranše u mjesečnim iznosima, ravnomjerno raspoređenim prema planu raspodjele.

II Obilježavanje značajnih datuma, mjesta, događaja i ličnosti, kulturnih i sportskih manifestacija, izgradnja i održavanje spomen obilježja i podrška zahtjevima, programima i projektima udruženja, fondacija i mjesnih zajednica u 2019. godini - iznos sredstava 16.400,00 KM.**a) Korisnici sredstava:**

Pravo na dodjelu sredstava mogu ostvariti udruženja-fondacije, mjesne zajednice i organizacioni odbori koji su formirani za obilježavanje značajnih datuma, mjesta, ličnosti i događaja od značaja za Grad Goražde.

b) Kriteriji za dodjelu novčanih sredstava:

Sredstva se mogu dodijeliti po osnovu podnesenog zahtjeva, programa ili projekta Gradonačelniku ili Službi za boračko-invalidsku i socijalnu zaštitu, a zahtjev mora biti obrazložen i priložena potrebna dokumentacija sa finansijskim planom o ukupnim troškovima i izvorima sredstava.

Dodjela sredstava može se odobriti udruženjima boračkih populacija, fondacijama, mjesnim zajednicama i licima čije zahtjeve Komisija ocjeni opravdanim, i ako se tim zahtjevom ili projektom doprinosi:

- razvoju i afirmaciji Grada Goražda, udruženja ili člana tog udruženja,
- da se zahtjevom ili projektom unapređuju kulturni, sportski ili drugi oblici saradnje ili da se poboljšavaju životni uslovi boračkih populacija.

Sredstva po ovom osnovu ne mogu ostvariti udruženja, mjesne zajednice i organizacioni odbori koji su dobijali sredstva za svoje zahtjeve ili projekte u prethodnom periodu, a da nisu namjenski utrošili sredstva ili nisu dostavili izvještaj o namjenski utrošenim dobijenim sredstvima.

C) Postupak dodjele novčanih sredstava:

Sredstva se dodjeljuju na osnovu pismeno podnesenog zahtjeva, programa ili projekta Službi za boračko-invalidsku i socijalnu zaštitu, koji mora biti obrazložen i sa potpunom dokumentacijom u prilogu, iz koje se može vidjeti opravdanost zahtjeva, programa ili projekta sa finansijskim pokazateljima, izvorom sredstava i ukupnim sredstvima koja su potrebna za realizaciju određenog zahtjeva ili projekta. Zahtjevi i projekti moraju biti potpisani od ovlaštenih predstavnika udruženja, fondacija, mjesnih zajednica ili organizacionih odbora.

Maksimalni iznos novčanih sredstava po jednom zahtjevu, programu ili projektu je do 2.000,00 KM.

Sredstva odobrava Gradonačelnik Goražda, na pismeni prijedlog Službe za boračko-invalidsku i socijalnu zaštitu ili po mišljenju Komisije koja razmatra prispjele zahtjeve.

III Jednokratne novčane pomoći pripadnicima boračke populacije zbog teške materijalne situacije i potrebe za liječenjem i/ili nabavkom lijekova - iznos sredstava 30.400,00 KM.

a) Korisnici sredstava:

Jednokratne novčane pomoći, zbog teške materijalne situacije ili pomoći za liječenje i nabavku lijekova, mogu ostvariti lica iz reda boračkih populacija, koja se nalaze u stanju socijalne potrebe i lica koja su oboljela, i potrebna im je pomoć za liječenje i nabavku lijekova, a koji imaju prebivalište na teritoriji Grada Goražda.

b) Posebni kriteriji za dodjelu novčanih sredstava licima iz reda boračke populacije zbog teške materijalne situacije:

Pripadnici boračke populacije koji se nalaze u teškoj materijalnoj situaciji mogu ostvariti jednokratnu novčanu pomoć, ako se podnosilac zahtjeva i članovi uže porodice ne nalaze u radnom odnosu, ako imaju redovna mjesečna primanja po drugom osnovu koja ne mogu zadovoljiti osnovne životne potrebe, ako su nesposobni za rad ili zbog bolesti onemogućeni da rade.

Jednokratna pomoć se može ostvariti jednom u toku godine, a u posebnim slučajevima do tri puta, po mišljenju Komisije koja cijeni opravdanost zahtjeva.

Novčana sredstava se mogu dodijeliti za nabavku osnovnih životnih namirnica, ogrjeva, nabavku odjeće i obuće i pokriće dijela troškova sahrane-dženaze umrlih članova porodice, prisilne migracije, elementarne nepogode, povratka sa liječenja, otpusta sa izdržavanja kazne zatvora ili izvršavanja odgojne mjere, porodičnog nasilja i drugih okolnosti koji utiču na materijalne prilike porodice. Maksimalni iznos novčanih sredstava je do 200,00 KM po jednom zahtjevu, a u izuzetnim slučajevima do 500,00 KM, a visinu novčanih sredstava cijeni Komisija, uzimajući u obzir socijalne i materijalne uslove, uslove života i broj članova porodičnog domaćinstva i druge okolnosti.

c) Posebni kriteriji za dodjelu jednokratne novčane pomoći za liječenje i nabavku lijekova

Sredstva za liječenje i nabavku lijekova mogu ostvariti lica iz reda boračkih populacija koja nisu u radnom odnosu, koja se ne bave samostalnom djelatnošću, koja su teško oboljela i čije liječenje traje duži period i obavlja se bolnički, u ili van Bosansko-podrinjskog Kantona Goražde.

Izuzimajući kriterije iz prethodnog stava, sredstva se mogu dodijeliti i licima u izuzetnim slučajevima, ako se sa primanjima podnosioca zahtjeva i članova porodičnog domaćinstva ne mogu pokriti troškovi liječenja i nabavke lijekova, a radi se o teškim oboljenjima, kao što su: maligna oboljenja, hirurške intervencije, oboljenje centralnog nervnog sistema, oboljenje srca, oboljenje mišičnog sistema, paralize i druga teška oboljenja, a čije liječenje iziskuje velike troškove.

Jednokratna pomoć za liječenje i nabavku lijekova se može ostvariti jednom u toku godine, a u posebnim slučajevima do tri puta, po mišljenju Komisije koja cijeni opravdanost zahtjeva.

Maksimalni iznos novčanih sredstava je do 300,00 KM po jednom zahtjevu, a u izuzetnim slučajevima do 1.000,00 KM, a visinu novčanih sredstava cijeni Komisija, uzimajući u obzir socijalne i materijalne okolnosti, broj članova porodičnog domaćinstva, težinu bolesti, mjesto i troškove liječenja i druge okolnosti.

d) Postupak dodjele novčanih sredstava

Sredstva se dodjeljuju na osnovu podnesenog zahtjeva od fizičkih lica, udruženja, mjesnih zajednica, Centra za socijalni rad i drugih ustanova socijalne i zdravstvene zaštite, ako podnose zahtjev za jednokratnu novčanu pomoć u ime svojih članova. Zahtjev mora biti obrazložen i dostavljena dokumentacija kao prilog, iz koje se može vidjeti opravdanost zahtjeva. Potrebna dokumentacija koja se prilaže uz zahtjev je: dokaz o broju članova porodice – kućna lista, dokaz da podnosilac zahtjeva i punoljetni članovi njegove porodice nisu u radnom odnosu, dokaz o primanjima punoljetnih članova porodice (Centar za socijalni rad, PIO i Porezna uprava), medicinska dokumentacija sa propisanom terapijom, eventualnim računima o troškovima liječenja i eventualne preporuke udruženja ili drugih institucija, kao i druga potrebna dokumentacija, na zahtjev Komisije.

Dodjelu sredstava vrši Gradonačelnik Grada Goražda, na prijedlog Službe za boračko-invalidsku i socijalnu zaštitu, ili mišljenja Komisije koja razmatra podnesene zahtjeve.

IV Neplanirani troškovi -iznos sredstava 2.800,00 KM

a) Korisnici sredstava:

Korisnici ovih sredstava su lica i porodice iz reda boračkih populacija, gdje je potrebno hitno reagovati kako bi se prevazišli određeni problemi, kao što su: hitno liječenje u slučaju iznenadne bolesti, nesreće, smrtni slučajevi, obilazak porodica boračkih populacija, rješavanje stambenih pitanja, eventualni troškovi rada Komisije i druge izvanredne situacije.

Maksimalni iznos novčanih sredstava po jednom prijedlogu je do 500,00 KM.

b) Postupak dodjele novčanih sredstava

Novčana sredstva dodjeljuje Gradonačelnik Grada Goražda, a inicijativu za dodjelu novčanih sredstava po ovom osnovu mogu dati udruženja iz reda boračkih populacija, Centar za socijalni rad, mjesne zajednice, Služba i druga pravna i fizička lica, ukoliko su mišljenja da je određeno lice ili porodica u teškoj situaciji i da treba odmah intervenirati.

Pomoć ovim licima vršit će se dodjelom novčanih sredstava ili paketa sa osnovnim životnim namirnicama i ista će se uručivati prilikom kućne posjete, ili isplaćivati putem blagajne.

Član 7.

Gradonačelnik imenuje Komisiju za razmatranje zahtjeva fizičkih i pravnih lica za dodjelu sredstava po ovoj Odluci. Komisija se sastoji od najmanje 3 člana i za svoj rad ima pravo na nadoknadu koju odobrava Gradonačelnik, na prijedlog Službe i predsjednika Komisije.

Komisija uvidom u priloženu dokumentaciju, utvrđivanjem činjenica na licu mjesta, ili na neki drugi način, cijeni opravdanost svakog zahtjeva pojedinačno i o tome sastavlja zapisnik o bitnim činjenicama, i na osnovu kriterija iz Odluke, uz primjenu zakonskih propisa koji regulišu boračko-invalidsku i socijalnu zaštitu, daje svoje mišljenje.

Član 8.

Za provođenje ove Odluke zadužuje se Gradonačelnik, Služba za boračko-invalidsku i socijalnu zaštitu i Služba za finansije, trezor i privredu, svako u okviru svoje nadležnosti.

Član 9.

Gradonačelnik, u skladu sa članom 15. Odluke o izvršenju Budžeta Grada Goražda za 2019. godinu, zbog neusklađenosti prihoda i rashoda sredstava u toku budžetske godine, može obustaviti izvršenje pojedinih rashoda i izmijeniti dinamiku doznake sredstava po pojedinim stavkama iz ove Odluke.

Član 10.

O utrošku sredstava dodjeljenih po osnovu ove Odluke, Služba za boračko-invalidsku i socijalnu zaštitu podnosi izvještaj Gradonačelniku i Gradskom Vijeću.

Član 11.

Ova Odluka stupa na snagu 8 (osmog) dana od dana objavljivanja u „Službenim novinama Grada Goražda“.

Broj: 01-02-2-1745
Goražde, 09.05.2019. godine

PREDSJEDAVALA VIJEĆA

Mirković Jelena

60

Na osnovu člana 88. Statuta Grada Goražda („Službene novine Grada Goražda“ broj: 05/18) i člana 33. Odluke o izvršavanju Budžeta Grada Goražda za 2019. godinu („Službene novine Grada Goražda“, broj: 2/19), Gradsko vijeće Grada Goražda, na **devetnaestoj** redovnoj sjednici, održanoj dana **09.05.2019.** godine, **d o n o s i:**

ODLUKU

o usvajanju Programa utroška finansijskih sredstava Budžeta Grada Goražda sa ekonomskog koda 613 991 -15 –Izdaci za mjesne zajednice za 2019. godinu, u ukupnom iznosu od 50.000,00 KM

Član 1.

Ovom Odlukom usvaja se Program utroška finansijskih sredstava Budžeta Grada Goražda sa ekonomskog koda 613 991-15 – Izdaci za mjesne zajednice za 2019. godinu, u ukupnom iznosu od 50.000,00 KM.

Član 2.

Sredstva iz člana 1. ove Odluke isplatit će se na teret Budžeta Grada Goražda, ekonomski kod 613 991-15 – Izdaci za mjesne zajednice u 2019. godini, u iznosu od 50.000,00 KM.

Član 3.

Dodjelu novčanih sredstava odobrava Gradonačelnik Grada, na prijedlog Službe za Civilnu zaštitu i mjesne zajednice.

Član 4.

Za provedbu ove Odluke zadužuje se Gradonačelnik Grada i Služba za Civilnu zaštitu i mjesne zajednice Grada Goražda i Služba za finansije, trezor i privredu Grada Goražda.

Član 5.

O utrošku finansijskih sredstava iz člana 1. ove Odluke Gradonačelnik Grada podnosi izvještaj Gradskom vijeću.

Član 6.

Program iz člana 1. ove Odluke je sastavni dio ove Odluke.

Član 7.

Ova Odluka stupa na snagu 8 (osmog) dana od dana objavljivanja u “Službenim novinama Grada Goražda”.

Broj: 01-02-2-1742
Goražde, 09.05.2019. godine

PREDSJEDAVAJUĆA VIJEĆA
Mirković Jelena

PROGRAM

UTROŠKA FINANSIJSKIH SREDSTAVA BUDŽETA GRADA GORAŽDA SA EKONOMSKOG KODA 613 991-15, IZDACI ZA MJESNE ZAJEDNICE ZA 2019. GODINU, U UKUPNOM IZNOSU OD 50.000,00 KM

PODACI O PROGRAMU

Period realizacije programa: I – XII mjeseci

Ukupna vrijednost Programa: 50.000,00 KM

IZVOR SREDSTAVA:

Budžet Grada Goražda za 2019. godinu, Ekonomski kod: 613 991-15-Izdaci za mjesne zajednice

KORISNICI SREDSTAVA:

Mjesne zajednice sa područja Grada Goražda

OPĆE ODREDBE:

Ovim Programom utvrđuje se način raspodjele novčanih sredstava, način ostvarivanja novčanih sredstava i nadzor nad utroškom novčanih sredstava.

CILJ PROGRAMA:

Da se utrošak novčanih sredstava provodi planski i transparentno (sredstva planirana Budžetom Grada Goražda za 2019. godinu za potrebe mjesnih zajednica), a radi ostvarivanja i realizacije planiranih zadataka koji utiču na svakodnevni život i rad građana u mjesnim zajednicama.

AKTIVNOSTI PROGRAMA:

Aktivnosti koje su obuhvaćene ovim Programom su:

1. Projekti utvrđeni godišnjim planovima utroška finansijskih sredstava za 2019. godinu od strane savjeta mjesnih zajednica:

- nabavke roba (građevinskog materijala, kancelarijskog namještaja, kancelarijskog i higijenskog materijala),
- nabavka usluga (izvođenje radova manjeg obima),
- održavanje spomen obilježja.

2. Nepredviđeni izdaci za mjesne zajednice.

PROGRAM RASPODJELE SREDSTAVA

NAZIV PROJEKTA	JEDINICA MJERE	JEDINIČNA CIJENA KM KOLIČINA	UKUPNO	VRIJEME REALIZACIJE
PROJEKTI UTVRĐENI GODIŠNJI PLANOVIMA UTROŠKA FINANSIJSKIH SREDSTAVA ZA 2019. GODINU OD STRANE SAVJETA MJESNIH ZAJEDNICA			40.000,00	I – XII mjesec
GORAŽDE I			2.000,00	
Obilježavanje Dana mjesne zajednice			500,00	I- mjesec
Uređenje kancelarije mjesne zajednice			1.500,00	VI-V mjesec
GORAŽDE II			2.000,00	
Obilježavanje Dana mjesne zajednice			500,00	V-mjesec
Nabavka kancelarijskog i sanitarnog materijala			220,00	V-XII mjesec
Nabavka betonske cijevi Ø 500	m	49,00 20	980,00	V-XII mjesec
Nabavka i zamjena polomljenih drvenih klupa			300,00	III-XI mjesec

3.	GORAŽDE III				2.000,00	
3/1	Obilježavanje Dana mjesne zajednice				500,00	IX - mjesec
3/2	Sanacija i ugradnja kupatila				1.000,00	V-XII mjesec
3/3	Nabavka PVC cijevi Ø 300	m	48,00	10	480,00	V -mjesec
3/4	Nabavka sanitarnog materijala				20,00	VI-mjesec
4.	GORAŽDE IV				2.000,00	
4/1	Obilježavanje Dana mjesne zajednice				500,00	V I- mjesec
4/2	Nabavka betonskih cijevi Ø 500 od objekta mjesne zajednice do Ul. EnesaTurkovića	m	49,00	30	1.470,00	V-mjesec
4/3	Nabavka sanitarnog materijala				30,00	VI-mjesec
5.	VITKOVIĆI				2.000,00	
5/1	Obilježavanje Dana mjesne zajednice				500,00	IX - mjesec
5/2	Sanacija sahat kule u naselju				300,00	V – XI mjesec
5/3	Nabavka kancelariskog materijala (papir , toner za kompjuter)				100,00	VI-mjesec
5/4	Nabavka sanitarnog materijala i zamjena vodokotlića				100,00	VII-mjesec
5/5	Pomoć podružnicama po potrebi				1.000,00	VI-mjesec
6.	ZUPČIĆI				2.000,00	
6/1	Obilježavanje Dana mjesne zajednice				500,00	V – mjesec
6/2	Nabavka ulaznih vrata na objektu mjesne zajednice i sanacija kupatila				1.000,00	IV-mjesec
6/3	Nabavka kancelariskog namještaja				500,00	VI-mjesec
7.	HUBJERI				2.000,00	
7/1	Obilježavanje Dana mjesne zajednice				500,00	V – mjesec
7/2	Sanacija objekta mjesne zajednice, unutarnje uređenje i opremanje kancelarijskim namještajem				1.500,00	V-XII-mjesec
8.	MRAVINJAC				2.000,00	
8/1	Troškovi obilježavanja Dana mjesne zajednice				500,00	VI- mjesec
8/2	Košenje i čišćenje lokalnog groblja				250,00	VI-mjesec
8/3	Završetak radova na uređenju šehidskog spomenika				500,00	V-mjesec
8/4	Košenje parka i čišćenje,„Od smeća napravimo park“, nabavka goriva i maziva za kosačicu				250,00	VI-VIII mjesec
8/5	Održavanje objekta mjesne zajednice i dječijeg igrališta				500,00	IV-XII mjesec
9.	BOGUŠIĆI				2.000,00	
9/1	Obilježavanje Dana mjesne zajednice				500,00	V-mjesec
9/2	Nabavka trimera za košenje trave za potrebe mjesne zajednice				400,00	V-mjesec
9/3	Nabavka goriva za košenje trave u toku godine i plaćanje radnika				300,00	V-VIII mjesec
9/4	Obnova hajr- česme (zamjena mermernih ploča i česmi za vodu)				200,00	V-mjesec
9/5	Sanacija izvorišta Kiseljaka				400,00	VI-mjesec

9/6	Čišćenje kanala, ručno				200,00	VIII-mjesec
10.	BERIČ				2.000,00	
10/1	Obilježavanje Dana mjesne zajednice				500,00	VI - mjesec
10/2	Nabavka PVC cijevi \varnothing 300 za selo Prisojnice	m	13	48,00	624,00	II-XII mjesec
10/3	Nabavka šlaufa za vodu \varnothing ½ cola za hajr- česmu	m	1.200	0,699	838,80	IV-mjesec
10/4	Nabavka sanitarnog materijala				37,20	V-mjesec
11.	OSJEČANI				2.000,00	
11/1	Obilježavanje Dana mjesne zajednice				500,00	VII - mjesec
11/2	Armaturna mreža (\varnothing 8x8)	kom	4	97,00	388,00	V-XII mjesec
11/3	Nabavka cijevi za propuste \varnothing 500	m	10	49,00	490,00	V-XII mjesec
11/4	Nabavka PVC cijevi \varnothing 300	m	12	48,00	576,00	V-XII mjesec
11/5	Nabavka sanitarnog materijala				46,00	VI-mjesec
12.	SADBA				2.000,00	
12/1	Obilježavanje Dana mjesne zajednice				300,00	IX -mjesec
12/2	Nabavka konstrukcije za koš				150,00	VI -mjesec
12/3	Nabavka građevinskog alata (lanac za žagu , lopata)				150,00	V-mjesec
12/4	Nabavka sijalica za javnu rasvjetu za naselje Kolararice				600,00	VI-mjesec
12/5	Nabavka nasipnog materijala (sa ugradnjom)				800,00	VI-mjesec
13.	VRANIĆI				2.000,00	
13/1	Nabavka kompjuterske opreme				1.000,00	VI - mjesec
13/2	Obilježavanje Dana mjesne zajednice				500,00	V-XII mjesec
13/3	Nabavka kancelarijskog namještaja				500,00	VII-mjesec
14.	POSESTRA				2.000,00	
14/1	Obilježavanje Dana mjesne zajednice				500,00	V- mjesec
14/2	Sanacija nekategorisanih puteva od Posestre prema selima				1.500,00	VII-mjesec
15	OSANICA				2.000,00	
15/1	Troškovi obilježavanje Dana mjesne zajednice				500,00	IV-mjesec
15/2	Natkrivanje vanjskih stepenica na objektu mjesne zajednice				1.500,00	VI-mjesec
16.	REŠETNICA				2.000,00	
16/1	Obilježavanje Dana mjesne zajednice				500,00	V III - mjesec
16/2	Učešće u projektu „Marka na marku“, asfaltiranje dionice puta Borovići -Bujaci				1.500,00	VIII - mjesec

17.	ILOVAČA				2.000,00	
17/1	Obilježavanje Dana mjesne zajednice				500,00	VII- mjesec
17/2	Nabavka betonske cijevi Ø 500 za propuste	m	15	49,00	735,00	VII - mjesec
17/3	Čišćenje propusta				500,00	VIII-mjesec
17/4	Čišćenje naselja Ilovača i odvoz na deponiju kabastog otpada				200,00	VI-mjesec
17/5	Nabavka sanitarnog materijala				65,00	IV-mjesec
18.	FAOČIĆI				2.000,00	
18/1	Obilježavanje Dana mjesne zajednice				500,00	V -mjesec
18/2	Nabavka dizel goriva za potrebe zimskog održavanja nekategorisanih puteva na području mjesne zajednice				200,00	VII -mjesec
18/3	Troškovi organizovanja čišćenja javnih površina i raskresivanje nekategorisanih putnih pravaca				300,00	VIII-mjesec
18/4	Nabavka benzina, dvotaktnog ulja za motornu pilu za raskresivanje rastinja				100,00	IX-mjesec
18/5	Uređenje šehidske hajr- vode na Rašković potoku				200,00	V-VIII mjesec
18/6	Transferi prema pojedinačnim zahtjevima				700,00	V-X mjesec
19.	KRABORIŠ				2.000,00	
19/1	Obilježavanje Dana mjesne zajednice				500,00	VI - mjesec
19/2	Ukopavanje betonskih cijevi Ø 1000 u Duboki potok, prema Kraborišu				210,00	IV-mjesec
19/3	Nabavka nafte za čišćenje snijega za nekategorisane puteve				800,00	XI-mjesec
19/4	Nabavka betonskih cijevi Ø 500 za propuste	m	10	49,00	490,00	VI-mjesec
20.	ORAHOVICE				2.000,00	
20/1	Obilježavanje Dana mjesne zajednice				500,00	VII - mjesec
20/2	Nabavka sanitarnog i kancelarijskog materijala				200,00	V - mjesec
	Transferi prema pojedinačnim zahtjevima				1.300,00	
G/II	NEPREDVIĐENI IZDACI ZA MJESNE ZAJEDNICE				10.000,00	
a)	<p>Uslovi i kriteriji za odobravanje sredstava planiranih u tački G/II, u ukupnom iznosu od 10.000,00 KM ovog Programa, realizuju se po pojedinačnim zahtjevima savjeta mjesne zajednice, na osnovu pozitivnog prijedloga Službe, saglasnost daje Gradonačelnik.</p> <p>Opći kriteriji za dodjelu sredstava planiranih u tački G/II, u ukupnom iznosu od 10.000,00 KM ovog Programa:</p> <ul style="list-style-type: none"> -da mjesna zajednica ima sjedište na teritoriji Grada Goražda , -da se zahtjevom doprinosi poboljšanje uslova življenja, unapređenju i razvoju mjesnih zajednica, -da se zahtjevom unapređuju sportski, kulturni i tradicionalni oblici saradnje, u cilju poboljšanja uslova življenja , -da se zahtjevom rješavaju hitne aktivnosti koje je neophodno provesti na području mjesne zajednice, a za koje na drugi način nije obezbjeđeno finansiranje. 					

b)	Posebni kriteriji za dodjelu sredstava planiranih u tački G/II, u ukupnom iznosu od 10.000,00 KM ovog Programa: -ostvaruju se podnošenjem obrazloženog zahtjeva Službe za Civilnu zaštitu i mjesne zajednice, od strane savjeta mjesne zajednice.		
c)	Dodjela sredstava planiranih u tački G/II, u ukupnom iznosu od 10.000,00 KM ovog Programa: -dodjelu sredstava vrši Gradonačelnik na prijedlog Službe za Civilnu zaštitu i mjesne zajednice.		
	Nadzor nad sprovođenjem ovog Programa vrši Gradonačelnik Grada putem Službe za Civilnu zaštitu i mjesne zajednice i zborovi građana mjesnih zajednica savjeti mjesnih zajednica.		
REKAPITULACIJA			
A	PROJEKTI UTVRĐENI GODIŠNJIM PLANOVIMA UTROŠKA FINANSIJSKIH SREDSTAVA ZA 2019. GODINU OD STRANE SAVJETA MJESNE ZAJEDNICE	40.000,00	I-XII mjeseca
B	NEPREDVIĐENI IZDACI ZA MJESNE ZAJUEDNICE	10.000,00	
	UKUPNO:	50.000,00	

Broj: 01-02-2-1742
Goražde, 09.05.2019. godine

PREDSJEDAVAJUĆA VIJEĆA
Mirković Jelena

61

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Gradsko vijeće Grada Goražda, na **devetnaestoj** redovnoj sjednici, održanoj dana **09.04.2019.** godine, **d o n o s i:**

Z A K L J U Č A K

1. U skladu sa članom 146. stav 5. Poslovnika Općinskog vijeća Općine Goražde, a na osnovu prijedloga predlagača propisa, povlači se Prijedlog odluke o usvajanju Programa uređenja grada i prigradskih naselja za 2019. godinu, a pretres i donošenje propisa **se odlaže.**
2. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-05-2-1755
Goražde, 09.04.2019. godine

PREDSJEDAVAJUĆA VIJEĆA

Mirković Jelena

62

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Gradsko vijeće Grada Goražda, na **devetnaestoj** redovnoj sjednici, održanoj dana **09.04.2019.** godine, **d o n o s i:**

Z A K L J U Č A K

1. U skladu sa članom 146. stav 5. Poslovnika Općinskog vijeća Općine Goražde, a na osnovu prijedloga predlagača propisa, povlači se Prijedlog odluke o usvajanju Programa opravke i održavanja cesta na području Grada Goražda, od interesa za Grad Goražde za 2019. godinu, a pretres i donošenje propisa **se odlaže.**
2. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-05-2-1754
Goražde, 09.04.2019. godine

PREDSJEDAVAJUĆA VIJEĆA

Mirković Jelena

63

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Gradsko vijeće Grada Goražda, na **devetnaestoj** redovnoj sjednici, održanoj dana **09.04.2019.** godine, **d o n o s i:**

Z A K L J U Č A K

1. U skladu sa članom 146. stav 6. Poslovnika Općinskog vijeća Općine Goražde, a na osnovu prijedloga predlagača propisa, donošenje Prijedloga odluke o usvajanju Programa pružanja usluga komunalne zajedničke potrošnje za 2019. godinu, na području grada Goražda i naselja Vitkovići, **odlaže se.**
2. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-05-2-1753

Goražde, 09.04.2019. godine

PREDSJEDAVAJUĆA VIJEĆA

Mirković Jelena

64

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Gradsko vijeće Grada Goražda, na **devetnaestoj** redovnoj sjednici, održanoj dana **09.04.2019.** godine, **d o n o s i:**

Z A K L J U Č A K

1. Da Gradsko vijeće Grada Goražda održi tematsku sjednicu na kojoj bi tema bila turizam, turistički potencijali i kulturno- historijsko naslijeđe na području Bosansko- podrinjskog kantona Goražde, te da se napravi vikend- turistička ponuda, u koju bi mogli biti uključeni sljedeći turistički potencijali: Most Mehmed paše Sokolovića u Višegradu, obilježje Spomen- ploča „Časne sestre“, Rimski most, stećci u Gošić polju, Turhan Emin- begova džamija u Ustikolini i Aladža džamija u Foči.
2. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-05-2-1750

Goražde, 09.04.2019. godine

PREDSJEDAVAJUĆA VIJEĆA

Mirković Jelena

65

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Gradsko vijeće Grada Goražda, na **devetnaestoj** redovnoj sjednici, održanoj dana **09.04.2019.** godine, **d o n o s i:**

ZAKLJUČAK

1. Usvaja se Izvještaj o realizaciji zaključaka sa prethodne osamnaeste redovne sjednice Gradskog vijeća Grada Goražda.
2. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-05-2-1749

Goražde, 09.04.2019. godine

PREDSJEDAVAJUĆA VIJEĆA

Mirković Jelena

66

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Gradsko vijeće Grada Goražda, na **devetnaestoj** redovnoj sjednici, održanoj dana **09.04.2019.** godine, **d o n o s i:**

ZAKLJUČAK

1. Usvaja se Zapisnik sa **osamnaeste** redovne sjednice Gradskog vijeća Grada Goražda.
2. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-05-2-1748

Goražde, 09.04.2019. godine

PREDSJEDAVAJUĆA VIJEĆA

Mirković Jelena

67

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Gradsko vijeće Grada Goražda, na **devetnaestoj** redovnoj sjednici, održanoj dana **09.04.2019.** godine, **d o n o s i:**

ZAKLJUČAK

1. Usvaja se Izvještaj o provedenom postupku javnog nadmetanja – licitacije neizgrađenog građevinskog zemljišta u vlasništvu Grada Goražda.
2. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-05-2-1756

Goražde, 09.04.2019. godine

PREDSJEDAVAJUĆA VIJEĆA

Mirković Jelena

68

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Gradsko vijeće Grada Goražda, na **devetnaestoj** redovnoj sjednici, održanoj dana **09.04.2019.** godine, **d o n o s i:**

Z A K L J U Č A K

1. Ne usvaja se inicijativa vijećnice Smailhodžić Aldijane, koja se odnosi na donošenje odluke o proglašenju moratorija za zapošljavanje u Gradskoj upravi Grada Goražda i dostavljanje analize rada i poslovanja Gradske uprave Grada Goražda za 2018. godinu, kao i stanje trenutno zaposlenih radnika u Gradskoj upravi Grada Goražda.
2. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-05-2-1752

Goražde, 09.04.2019. godine

PREDSJEDAVAJUĆA VIJEĆA

Mirković Jelena

69

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Gradsko vijeće Grada Goražda, na **devetnaestoj** redovnoj sjednici, održanoj dana **09.04.2019.** godine, **d o n o s i:**

Z A K L J U Č A K

1. Inicijativa vijećnika Džemidžić Enesa, koja se odnosi na donošenje propisa kojim će se promijeniti naziv dijela „Iranskog šetališta“, od Pobarnika do mosta u naselju Baćci, u naziv „Šetalište Rasima Živojevića“, upućuje se Gradonačelniku Grada Goražda, koji putem nadležne službe provodi postupak i podnosi prijedlog Gradskom vijeću za donošenje odluke o davanju naziva, a u skladu sa članom 167. stav 4. Odluke o komunalnom redu („Službene novine Općine Goražde“, broj: 4/13).
2. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-05-2-1751

Goražde, 09.04.2019. godine

PREDSJEDAVAJUĆA VIJEĆA

Mirković Jelena

SADRŽAJ

53	ODLUKA O USVAJANJU I PROVOĐENJU IZMJENA REGULACIONOG PLANA "PODA" U GORAŽDU	89
54	ODLUKA o usvajanju Programa utroška sredstava planiranih u Budžetu Grada Goražda za 2019. godinu, na ekonomskom kodu 614 515- Podsticaj poljoprivrednoj proizvodnji	102
55	ODLUKA o usvajanju Programa utroška novčanih sredstava posebnih namjena za geodetske poslove, koja se u 2019. godini na području Grada Goražda prikupe po osnovu naplate naknada za korištenje podataka i vršenje usluga u oblasti premjera i katastra nekretnina i katastra komunalnih uređaja	104
56	ODLUKA o načinu i uslovima raspolaganju nekretninom – zamjena zemljišta	106
57	ODLUKA o davanju saglasnosti za pribavljanje naknadnog odobrenja za izgrađeni poslovni objekat	108
58	ODLUKA o usvajanju Programa raspodjele i utroška novčanih sredstava planiranih Budžetom Grada Goražda za 2019. godinu, na poziciji Beneficije za socijalnu zaštitu-ekonomski kod 614-231	109
59	ODLUKA o usvajanju Programa raspodjele i utroška novčanih sredstava planiranih Budžetom Grada Goražda za 2019. godinu, na poziciji Izdaci za vojne invalide, ranjene borce i porodice poginulih boraca (boračke populacije) – Ekonomski kod 614-232	112
60	ODLUKA o usvajanju Programa utroška finansijskih sredstava Budžeta Grada Goražda sa ekonomskog koda 613 991 -15 –Izdaci za mjesne zajednice za 2019. godinu, u ukupnom iznosu od 50.000,00 KM	117
61	ZAKLJUČAK	124
62	ZAKLJUČAK	124
63	ZAKLJUČAK	125
64	ZAKLJUČAK	125
65	ZAKLJUČAK	126
66	ZAKLJUČAK	126
67	ZAKLJUČAK	126
68	ZAKLJUČAK	127
69	ZAKLJUČAK	127

Izdavač: Grad Goražde, Ul. M. Tita 2. 73000 Goražde.

Glavni i odgovorni urednik: sekretar Gradskog vijeća Grada Goražde, Samir Kanlić, tel: +38738221161 i pomoćnik gradonačelnika Službe za društvene djelatnosti, opću upravu i zajedničke poslove, Sanid Zirak tel: +38738221796.

Štampa Iris Print PJ GRAFIKA Goražde